

ጾኑሲ ማደም ዳኪንቴ ጳውሎስ ዳኬ ቤርታሳ ኪኢቶ ቆሮንቶሴ ዓጮ ዓሶም ዓይያ ካር

ጳውሎስ ቆሮንቶሴ ዓሶም ፃኣፔ ቤርታሳ ኪኢታ ፃኣፒንቴህ ዓይጎርዳይ ጌዔቴ ጳውሎስ ቆሮንቶሴይዳ ዔቁሴ ሺኢጲያ ማኣርይዳ ኪሪሰቶሴ ጉሙርቁ ናንጎ ናንጎና ኪሪሰቶሴ ጉሙርቁያና ዛሎ ዔቁ ማታሳ ጌኤዞ ገኢጊሾንዶ ጎይህ ኮዓኒኬ። ቆሮንቶሴ ዬኖ ዎዶና ዓጮ ቢያህረ ማዔ ጌሪኬ ዓጪ ካታማኬ፤ ሃሃ ዓካይያ ጌይንታ ሮሜ ዓጮ ደማ ዓኣ ዓጩሎኮዎ ዴኤፒ ካታማኬ። ዬና ካታማላ ሚርጌ ኮርሞ ኮርሚንታያ፣ ዓሳ ዲማ ዲማ ጎይህ ናንጋያ ጊንህ «ፑርታኬ፣ ኮሺኬ» ጎዎ ባኣዚ ባኣያ ሃሃ ዲማ ዲማ ካኣሺ ዲቢ ዓኣ ቤሲኬ።

ጳውሎስ ባሽ ዔርዛኒ ኮዓህ ሺኢጲያ ማኣር ዓሶ ባኣካ ዓኣ ፓቂንቲያና «ፑርታኬ፣ ኮሺኬ» ጋዓ ማለህ ባኣያ ናንጊያ ዛሎ፤ ዬያጉዲ ሃሃ ዓኒ፣ ማቾ ማዒባኣያና ላሂህ ዛላና ዔፒ ዛላ፣ ዓሶኮ ማለያይዳ ዓኣ ጾኬጪህ፣ ሺኢጲያ ማኣር ዓሳ ዎርቃንዳ ዎጌ ዛላ፣ ዓያና ጌኤሺዳፓ ዒንጊንታ ዲማ ዲማ ዒንጊያ ዛሎና ሃይቢዳፓ ዔቁህ ዛላኬ። ኮዦ ሃይሳ ዬንህ ጾኬጪያንህኮ ማሂ ኬኤዛ ማሊያ ዒዚ ኮሺ ፔጋሲ ኬኤዛኬ።

ጾኑሲ ፔ ዳርሞ ዒንጌ ዒንጊያይዳፓ ቢያ ናሹሞ ባሽ ማዔህ ዔርዛ፣ ዓይ. 13 ሃኖ ማፃኣፖይዳ ሚርጌና ዔርታ ቤሲ ማዓንዳኔ ጌይንታኔ።

ማፃኣፔላ ዲማ ዲማ ዓርቁ ባኮ

ዓይያ ካር (1:1-9)

ሺኢጲያ ማኣር ዓሶ ባኣካ ማዦንቴ ዲሙሞ (1:10—4:21)

ዓኒ ሃሃ ማቾ ማዒባኣያና ላሂህ ዛላና ማኣሪ ዓሲና ዛላ (5:1—7:40)

ኪሪሰቶሴ ጉሙርቃ ዓሶና ጉሙርቁዎ ዓሶና ዛላ (8:1—11:1)

ሺኢጲያ ማኣር ዓሶ ናንጎና ጾኑሲ ካኣሽኮንዶ ጎይህና (11:2—14:40)

ሃይቢፓ ዔቁህ ዛላ (15:1-58)

ኪሪሰቶሴ ጉሙርቃ ዓሳ ዒንጋኒ ኮይሳ ማኣዳህ (16:1-4)

ጳውሎስ ፔ ዛላ ኬኤዜ ባኣዚና ጋፒንሢ ሃይሴ (16:5-24)

1 የኦሲ ማለሢና ዩሱስ ኪሪስቶስም ዳኪንቲ ማዳያ ማዒ፣ ዔኤሊንቲ ጳውሎስና ኑ ዒሻሢ ሶስቲንሴናይዳፓ፤

2 ዩሱስ ኪሪስቶስና ዋላ ዔያቶኮ ዓኣ ፔቱሞና ዔያቶና ኑኡናናኮ ጎዳ ማዒ፣ ኑ ጎዳሢ፣ ዩሱስ ኪሪስቶስ ቢያ ቤዛ ካኣሸካ ኪሪስቶስ ጉሙርቃ ዓሶና ዋላ የኦሲም ዲማጄ ዳሬ ማዒንዳጉዲ ዔኤሊንቲ ቆርንቶስይዳ ዓኣ ኪሪስቶስ ጉሙርቃ ዓሶም ቢያ፣

3 ኑ ዓዳሢ፣ የኣዛሢና ኑ ጎዳሢ፣ ዩሱስ ኪሪስቶስናይዳፓ ዒንጊንታ ዒንጊያና ኮሹሞና ዒንሢም ማዒንጎ።

ጳውሎስኮ የኦሲ ጋላቲያ

4 ዩሱስ ኪሪስቶስ ዛሎና የኦሲ ፔኤኮ ኮሹሞ ዒንጊያ ዒንሢም ዒንጊሢሮ ዒንሢ ዛሎሮ ቢያ ዋዴ ታ ዒዛ ጋላታኑ። 5 ዓይጎሮ ጌዔቲ ጌኤሲና ሃሣ ዔራቶና ኪሪስቶስና ማዒ ዒንሢ ማርጌ ባኣዚ ዔራሢሮኬ። 6 ኪሪስቶስ ዛሎ ኑ ዒንሢም ማርካጄ ማርካታ ዒንሢኮ ዒና ደዲ ዓኣኑ። 7 ዩያሮ ኑ ጎዳሢ፣ ዩሱስ ኪሪስቶስኮ ሙከያ ካፒ ካፒ ዒንሢ ናንጌቲ ዓይጎጉዴ ዓያና ዒንጊሢ ማዒቲያ ዒንሢም ፓጫዓኬ፤ 8 ኑ ጎዳሢ፣ ዩሱስ ኪሪስቶስ ማዒ ሙካ ኬሎና ደንከጎ ባኣዚ ባኣያ ማዒ ዒንሢ ጴዳንዳጉዲ ዒዚ ዒንሢ ጋፒንያ ሃላንዳኣና ደዲ ናንጋንዳጉዲ ማሃንዳኑ። 9 ፔኤኮ ናዓሢ፣ ኑ ጎዳ፣ ዩሱስ ኪሪስቶስና ዋላ ፔቱሞ ዒንሢኮ ዓኣያ ማዒንዳጉዲ ዒንሢ ዔኤሊ የኣዛሢ ጉሙርቁንቲያኩ።

ቆርንቶስ ሺኢጲያ ማኣሮ ዓሶ ባኣካ ማከንቲ ዲማዳያ

10 ታ ዒሾንሃ፣ ታ ሚሾንሃ! «ዒንሢ ባኣካ ዲማዳሢ ጴዳ፤ ቢያሢ ዋላ ጊኢጊ፣ ፔቲ ማለሢና ፔቲ ዒናና ዓኣያ ማዒ ደዲ ናንጉዋቲ» ጌይ ኑ ጎዳሢ፣ ዩሱስ ኪሪስቶስ ሱንያና ታ ዒንሢ ሸኢቃኑ። 11 ታ ዒሾንሃ፣ ታ ሚሾንሃ! ዒንሢ ባኣካ ማርሞና ፓቁንቲሢና ዓኣሢ ቁሎዔ ማኣሮ ዓሶይዳፓ ታ ዋይኬኑ። 12 ታ ዋይኬ ጎይያ ዒንሢ ፔቲ ፔቲሢ፡- «ታኣኒ ጳውሎስ ዓሲኬ፤ ታኣኒ ዓጲሎስ ዓሲኬ፤ ታኣኒ ኬፓ * ዓሲኬ» ጋዓዛ፣ ዛላ፡- «ታኣኒ ኪሪስቶስ ዓሲኬ» ጋዓኑ፣ ጋዓያኬ። 13 ሂዳያ ኪሪስቶስ ፓቁንቲኔ ጌይሢዳ? ጳውሎስ ዒንሢ ዛሎ ሱዒንቲ ሃይቁያ? ሃሣ ዒንሢ ዋኣያና ማሰቲሢ ጳውሎስ ሱንያናዳ?

* 1:12 1:12 ኬፓ፡- ጌይያ ጊሪኬ ዓሶ ሙኤጮና «ጲዒሮስ» ጌይሢኬ። 1:12 1:12 ዳኪ. ማዳ 18:24።

14 ታኣኒ ቁሪስጶስና ጋይዮሴናይዳፓ ዓታዛ ዲንሣዲፓ ያናኣ ዋኣሢና ማስኪባኣሢሮ ያኦሲ ታ ጋላታኔ። 15 ዬያሮ «ጳውሎሴ ሱንያና ታ ዋኣያ ማስቴኔ» ጌዒ ኬኤዛንዳይ ዲንሣዲፓ ባኣሴ። 16 ጎኔኬ፤ ዲስጂፓኖሴ ማኣሮ ዓሶ ታ ማስኬኔ፤ ያቶይዳፓ ዓታዛ ሜሌ ዓሲ ታ ማስኬያ ዓኣሢ ታኣም ዔርቱዋሴ። 17 ኪሪስቶሴ ታና ዳኬሢ ዲዛኮ ኮዦ ሃይሶ ቃኣሎ ኬኤዛንዳጉዲኬ፤ ዋኣሢና ታ ማስካንዳጉዲቱዋሴ፤ ኪሪስቶሴኮ ፑርቶ ዓሶ ሱያ ሚፃ ሱዲንጉ ሃይቁፃ ጉሪ ማዒ ዓቱዋጉዲ ዲዛኮ ኮዦ ሃይሶ ቃኣሎ ታ ኬኤዛሢ ዓሲዳፓ ማዒ፣ ጌኤሲ ዔራቶናቱዋሴ።

ኪሪስቶሴኮ ያኦሲ ዋልቆና ዔራቶና ማዒያ

18 «ኪሪስቶሴ ፑርቶ ዓሶ ሱያ ሚፃ ዑፃ ሱዲንጉ ሃይቁኔ» ጋዓ ቃኣላ ባይቃኒ ገኢጌ ዓሶም ዔኤያቶ ማዒ ዛገንታኔ፤ ኑና ዳቃ ዓሶም ጋዓንጉ ያኦሲ ዋልቆኬ። 19 ዓይጎሮ ጌዔቴ፡-

«ዔሮ ዓሶኮ ዔራቶ ታ ባይዛንዳኔ፤

ዑሣ ዓኣጳ ዔሮኮ ዔራቶ ታ ጉሪ ማሃንዳኔ» ጌይንጉ ፃኣፒንጉሢሮኬ።

20 ዓካሪ ዔራሢ ዋካ ዓኣይ? ዑሣ ዓኣጳ ዔራሢያ ዋካ ዳይይ? ሃሣ ቢያ ባኮ ዛጌ፣ ዲማሲ ዔራሢያ ዋካ ዓኣይ? ያኦሲ ሃያ ዓጮ ዔራቶ ዔኤያቶ ማሂባኣዳዳ?

21 ሃያ ዓጮ ዓሳ ፔ ዔራቶና ያኦሲ ዔራሪ ዳንዳዑዋጉዲ፣ ያኦሲ ፔ ዔራቶና ዔያታ ዔራዋጉዲ ማሄኔ፤ ጋዓንጉ ዓጮ ሃያም ዔኤያቶ ማዒ ፓይዲንጉቴ፣ ኑ ኬኤዛ ኮዦ ሃይሶ ኪኢታ ጉሙርቃዞንሢ ዳቁሻንዳጉዲ ያኦሲ ማሊሢ ማዒ። 22 ዲንሢ ዔራሢጉዲ ዓይሁዶ ዓሳ ያኦሲ ዋልቆና ማዲንታ ዓኪ ባኣዚ ዛጋኒ ኮዓኔ፤ ሃሣ ዓይሁዴ ማዒባኣ ገሪኮ ዓሳ ዔራቶ ዔራሪ ኮዓኔ። 23 ኑኡኒ ጋዓንጉ ሱዲንጉ ሃይቁ ኪሪስቶሴ ዛሎ ኬኤዛኔ፤ ዬይ ኑኡኒ ኬኤዛ ሃይሳ፡- ዓይሁዶ ዓሶም ዔርቶ ዲፂ ዳቢሻያና ዓይሁዴ ማዒባኣ ገሪኬ ዓሶም ዔኤያቶኬ። 24 ያኦሲ ዔኤሌ፣ ዓይሁዴ ማዒቴያ ዓይሁዴ ማዒባኣ ገሪኬ ዓሶም ጋዓንጉ ኪሪስቶሴ ያኦሲኮ ዋልቆና ዔራቶናኬ። 25 ዋይጉ ጌዔቴ ያኦሲ ዔዔኤኤ ጎዞ፣ ዬይ ዓሲ ዔራቶይዳፓ ባሽኬ፤ ሃሣ ያኦሲ ላላቤኔ ጎዞ፣ ዓሲ ዋልቆይዳፓ ባሽ ማዒሢሮኬ።

26 ታ ዲሾንሣ ታ ሚሾንሣ! ያኦሲ ዲንሢ ዔኤላ ዋዶና ዲንሢ ዋዞጉዴ ዓሲታቴ ሂንዳ ማሉዋቴ፤ ዓሲ ማላ ጎይሢና ዲንሢ ባኣካ ሚርጌሢ ዔራ ዓሲ፣ ዋልቆና ዓኣ ዓሲ ሃሣ ዳኤፒ ዳኤፒ ጌይንታ

1:14 1:14 ዳኪ. ማዶ 18:8፤ 19:29፤ ሮሜ 16:23። 1:16 1:16 1ቆሮ. 16:15።
 1:19 1:19 ዓሲ. 29:14። 1:20 1:20 ዓዶ. 12:17፤ ዓሲ. 19:12፤ 33:18፤
 44:25።

ዓሲ ባኣሴ። 27 ጋዓንቴ ጾኦሲ ዔሮ ዓሶ ቦርሲሳሲ ዓጮይዳ ዔኤያኩ ኅዖ ዓሶ ደኦሬኔ፤ ሃሃ ዋልቄና ዓኣ ዓሶ ቦርሲሳሲ ዓጮይዳ ላቤያ ማዒ ፓይዲንታዞንሢ ደኦሬኔ። 28 ዓጮ ዓሶም ቦንቺንቴያ ማዒ ጴዳ ባኩ ባይዛሲ ዓጮይዳ ቦሂንቴያ፣ ጉሪ ማዔያ ሃሃ ቤሲ ባኣ ባኩ ደኦሬኔ። 29 ዬያ ጾኦሲ ማዳሢ ዓይጎ ዓሲያ ዒዛ ቤርታ ጾቶርቁጉዲኬ፤ 30 ዒንሢ ጋዓንቴ ጾኦሲ ዬሱስ ኪሪሰቶሴና ዋላ ፔቱሞ ዓኣያ ማዓንዳጉዲ ማሄኔ። ዬያሮ ኦኡኮ ዔራታ፣ ጂሉማ፣ ኦኡኮ ጾኦሲም ዲማዳያ ማዒያ፤ ሃሃ ኦና ዳቁሻያ ማዒሢያ ዬሱስ ኪሪሰቶሴ ማዓንዳጉዲ ጾኦሲ ማሄኔ። 31 ዓካሪ ጌኤዡ ማፃኣፓ ጋዓሢጉዲ፡- «ጾቶርቃሢ ጾኦሲና ጾቶርቆንጎ» ጌዔኔ።

2

ኪሪሰቶሴኮ ሱዲንቶ ዛሎ

1 ታ ዒሾንሦ! ታ ሚሾንሦ! ታኣሲ ዒንሢ ኮይላ ሙኬያና ጾኦሲኮ ዓኣሺንቴ ማሊዖ * ታ ዒንሢ ዔርዜኔ፤ ታኣሲ ሃይሴ ዔሪ ጌሰታያ ማዔሢና ታኣኮ ዓኣ ዔራቶና ዒንሢም ዳዋሲ ታ ኮዒባኣሴ። 2 ዓይጎሮ ጌዔቲ ዒንሢና ታ ዓኣ ዋደማና ዬሱስ ኪሪሰቶሴ ዛሎና ሃሃ ዒዛኮ ሱዲንቲ ሃይሶ ዛሎይዳፓ ዓታዛ ሜሌ ዓይጎዋ ዔራዋያ ማዓሲ ታ ማሊሢሮኬ። 3 ዬያሮ ዒንሢ ኮራ ታ ዓኣ ዋደና ላቤ ዓሲ ማዒ፣ ዒጊቹሞና ሚርጌ ጎጋይቁሢናይዳ ታ ዓኣያ ማዔኔ። 4 ታኣሲ ኬኤዜሢታቴያ ዔርዜ ቃኣላ ጾኦሲ ዓያናና ማኣዲንቲ ማዓንዳኣፓዓቱም ዓሲ ዔራቶና ፀሃ ዓኣዳ ዔራቶና ሃሃ ሃይሴ ኮሺሢናቱዋሴ። 5 ዬያ ታኣሲ ማዳሢ ዒንሢኮ ጾኦሲ ጉሙርቁፃ ዓሲ ዔራቶና ማዒባኣዖ፣ ጾኦሲ ዋልቄና ማዔያ ማዓንዳጉዲኬ።

ጾኦሲ ዔራቶ

6 ጋዓንቴ ዓያኖ ናንጎና ደዴ ዓሶም ዔራቶና ኦ ኬኤዛኔ፤ ኦኡኒ ኬኤዛ ዔራታ፡- ሃያ ዓጮ ዔራቶ ሃሃ ጋፒንፃ ባይሲንታ ማዔ፣ ሃያ ዓጮ ዋይሢ ዓሶ ዔራቶናቱዋሴ። 7 ኦኡኒ ኬኤዛ ዔራታ ጋዓንቴ ጾኦሲ ቤርታዲ ሚርጌ ዋዴኮ ቤርታኣፓ ኦ ቦንቺም ጌዒ ጊኢጊሺ፣ ጾኦሲኮ ዓኣሺንቲ ዓኣ ዔራቶኬ። 8 ሃያ ዓጮ ዋይሢ ዓሶ ባኣካፓ ዬያ ዔራቶ ዔራሬ ጾኦሲና ባኣሴ፤ ዋንዴ ዔያታ ዬያ ዔራሬያ ማዔቲ ቦንቺንቴ፣ ጎዳሢ ሱዲ ዔያታ ዋዲንዲዋያታንቴኬ። 9 ዬይ ያዲ ማዔቲያ ጌኤዡ ማፃኣፓ፡- «ዓሲኮ ዓኣፒ ዴንቁባኣያ

1:31 1:31 ዔር. 9:24። * 2:1 2:1 ጾኦሲኮ ዓኣሺንቴ ማሊዖ፡- ጋዓዞ ፔቲ ፔቲ ማፃኣፓ «ጾኦሲ ዛሎ ማርካዲ» ጋዓኔ።

ዋይዚ ዋይዚባኣያ
ሃሣ ዒናኣ ማሊባኣያ
ጾኦሲ ዒዛ ናሽካዞንሢሂም ገኢገሼኔ» ጋዓኔ።

10 ኣም ጋዓንቴ ጾኦሲ ፔኤኮ ዓያኖ ዛሎና ዓኣሺንቴ ማሊያ ፔጋሲ ዔርዘኔ። ዓይጎር ጌዔቴ ጾኦሲኮ ዓያና ዔርቴዋያ ማዔ፣ ጾኦሲ ማሊያታዎ ዓይሱዋዎ ቢያ ባኣዚ ዴንቁ ዔራሢሮከ። 11 ፔቴ ዓሲ ዛላ ማዔቴ ፔቴ ዒዛ ዓሢ ዓያናገ ዓታዛ ማሊ ዒዛይዳ ዓኣ ዒዛኮ ማሊያ ዔራጎዳይ ጾኦሲያ ባኣሴ፤ ዬያጉዲ ጾኦሲ ዓያናገ ዓታዛ ጾኦሲ ማሊያ ዔራይ ባኣሴ። 12 ኦኡኒ ሃያ ዓጮ ዓያኖ ዔቢባኣሴ፤ ኦኡኒ ዔኬሢ ጾኦሲ ኦም ዒንገ ባኮ ቢያ ኦና ዔርዛ ጾኦሲ ዓያኖከ።

13 ዬያር ኦኡኒ ዓያኖ ዛሎ ባኮ ዓያኖና ዓኣ ዓሶም ዔርዛሢ ዓሲዳገ ጴጴ ዔራቶናቴዋንቴ ጾኦሲ ዓያኖይዳገ ጴጴ ዔራቶናከ።

14 ጾኦሲ ዓያናባኣ ዓሲ ጾኦሲ ዓያና ዒንጋ ዒንጊያ ዓኣኒ ዳንዳዑዋሴ፤ ዓይጎር ጌዔቴ ዬይ ዓያኖና ዛገንጎት ዔርታ ባኣዚ ማዔሢሮ ዒዛም ዔርታኒ ዳንዳዑዋሴ፤ ጉቤ ዬይ ዒዛም ዔኤያቶ ማሊ ጴጴንዳኔ። 15 ጾኦሲ ዓያናና ዓኣ ዓሲ ቢያ ባኣዚ ዛገ ዔራኒ ዳንዳዓኔ፤ ዒዛ ጋዓንቴ ጾኦሲያ ዛገ ዔራኒ ዳንዳዑዋሴ። 16 ዬይያ፡- «ጾኦሲ ዒና ጾኦሲ ዔራይ?

ዒዛ ዘራኒ ዳንዳዓሢያ ያናዳይ?»

ጌይንቴ ጻኣፒንቴሢጉዲከ።

ኦኡኮ ጋዓንቴ ከሪሰቶሴ ዒና ዓኣኔ።

3

ቆሮንቶሴ ሺኢጲያ ማኣር ዓሶ ባኣካ ማንዢንቴ ዲሙዋ

1 ታ ዒሸንሃ ታ ሚሸንሃ! ጎኔ ከኤዘያታቴ ታኣኒ ዒንሢ ዔርዘሢ ሃገ ዒንሢ ከሪሰቶሴ ጉሙርቁያና ደዲባኣ፣ ናይ ማዔያ ሃሃ ሃያ ዓጮ ማሊያና ዓኣ ዓሲ ማሂ ማዓንዳኣገዓቴም ደዲ ዓያናና ዓኣ ዓሲ ማሂ ታ ዒንሢ ዔርዘኒ ዳንዳዒባኣሴ። 2 ደዲ ሙኡዚ ሙዓኒ ዳንዳዑዋያ ዒንሢ ማዔሢሮ ታ ዒንሢ ዑሼሢ ዲኢቁ ማዓንዳኣገዓቴም ደዲ ሙኡዚ ታ ዒንሢ ሙኡዚባኣሴ፤ ሃሢታቴያ ዒንሢ ደዲ ሙኡዚ ሃገ ሙዓኒ ዳንዳዑዋያከ። 3 ዋይቴ ጌዔቴ ሃሢያ ዒንሢ ሃያ ዓጮ ዓሶ ማሊያና ዓኣያከ፤ ዋሊ ዒንሢ ቁኢራያና ማርማያናታሢሮ ሃያ ዓጮ ዓሶ ማሊያና ዓኣኔ ጌይሢቴዋዓዳ? ጾኦሲ ዓሲ ማዔያ ዒንሢኮ ባቴም ሃያ ዓጮ ዓሶ ዒንሢ ማዔባኣዓዳ? 4 ዒንሢዳገ ፔቴሢ፡- «ታ ጳውሎሴ ዓሲከ» ጋዓዛ፣ ባጋሢ ሃሃ፡-

«ታኣኒ ዓጲሎሴ ዓሲኬ» ጌይያና ዲንሢ ያኦሲ ዓሲ ማዲያ ሃሺ ሃያ ዓጮ ዓሲ ማዲባኣዳ?

5 ዓካሪ ዓጲሎሴንታ ጳውሎሴንታ ዓይጎዳይ? ዔያታ ዲንሢ ኪሪሰቶሴ ጉሙርቃንዳጉዲ ማሄ ያኦሲም ማዳ ዓሲኬ፤ ዔያታ ፔቲ ፔቲሢ ማዳሢ ጎዳ ዔያቶ ማዳንዳጉዲ ዓይሢ ጎይያኬ፤

6 ዜርያ ታ ዱኡቄይ፤ ዓጲሎሴ ዋኣያ ዑሼይ፤ ባቃልሲ ዑጊሴሢ ጋዓንቴ ያኦሲኬ። 7 ዬያሮ ዴኤፖ ማዳ ማዳሢ ባቃሎ ዑጊሴ፣ ያኦዛሢ ማዓንዳኣፓቲም ዱኡቄሢንታ ዋኣያ ዑሼሢንታቲዋሴ።

8 ዜርያ ዱኡቄሢና ዋኣያ ዑሼሢና ሄኮኬ፤ ዬያታ ፔቲ ፔቲሢ ፔኤኮ ማዳጉዳያ ማዳ ዛሎ ዲንጎ ባኮ ዔካንዳይ። 9 ዓይጎር ጌዔቲ ኮኤኒ ያኦሲም ዋላ ማዳዞንሢኬ፤ ዲንሢ ጋዓንቴ ያኦሲኮ ጎዡና ማኣሮና ማዓያኬ። 10 ያኦሲ ታኣም ዲንጌ ኮሹም ዲንጊያጉዳያ ኮሺ ዔራ፣ ማኣሪ ማዡ፣ ሃኣሚጉዲ ቦኦኮሎ ታ ቦኦኮላቄይ፤ ባጋሢ ታኣኒ ቦኦኮላቄሢ ማኣሮ ማዡ፤ ጋዓንቴ ፔቲ ፔቲሢ ዋሽይ ዋሽይ ዔሪ ማዡንዳቲያ ኮሺ ዔራኒ ኮይሳይ። 11 ዓይጎር ጌዔቲ ፔቲና ቦኦኮላቄንቴማፓ ዓታዛ ያኦኒያ ማሌ ጊዳ ቦኦኮላቄን ዳንዳዑዋሴ፤ ዬይ ቦኦኮላሢ ዬሱሰ ኪሪሰቶሴታሢሮኬ። 12 ዬያ ቦኦኮላሢዳ ዋርቄና ማዔቲያ ቢራ ዓንገና ሃሢ ኮሺ ሚዛጲ ሹቸናኣ ማዖም ሚሢና ሃሢ ማኣቲና ማዔቲያ ሃውሊና ማዡይ ዓኣቶ፡- 13 ፔቲ ፔቲሢ ዓይጎና ማዡቲያ ዔርታንዳ ዋጌ ኬሊ ሙካንዳይ፤ ዬና ኬላ ፔቲ ፔቲ ዓሳ ማኣሮ ማዡሢ ዓይጎናታቲያ ታሚዳ ዓገንቴ ዛገንታንዳሢ ዲማዲ ዔርታንዳይ። 14 ማኣሮ ማዡ ዓሢኮ ማዳ ታሞና ሙይንቲዋዖ ደዲ ዓቲቲ ዬይ ዓሢ ፔ ማዳ ዛሎ ዲንጎ ባኮ ዔካንዳይ። 15 ማዳ ታሚና ሙይንቲ ባይቄ ዓሢ ጋዓንቴ ማዳ ዛሎ ዲንጎንደ ባኮይዳፓ ዓታንዳይ፤ ዬይ ያዲ ማዔቲያ ዓሢ ታማ ጋውሎንቴ ዓቲያጉዲ ማዲ ዳቃንዳይ።

16 ዲንሢ ዲንሢ ቶኦኪና ያኦሲኮ ጌኤሺ ማኣሪ ሃሢ ያኦሲኮ ዓያና ዲንሢዳ ናንጋያታሢ ዲንሢ ዔራዋዳዳ? 17 ዓካሪ ዓሲ ያኦሲኮ ጌኤዡ ማኣሮ ሻሄቲ ያኦሲ ዲዛ ዓሢ ባይዛንዳይ፤ ዓይጎር ጌዔቲ ያኦሲኮ ጌኤዡ ማኣራ ዲዛም ዲማዳያታሢሮኬ፤ ዬይ ጌኤዡ፣ ዲማዳ ማኣራ ዲንሢኬ።

18 ያኦኒያ ፔና ጌሸፓ፤ ሃያ ዓጮ ዔራቶ ጎይያና ዔራ ማሢ ፔና ዛጋ ዓሲ ዓኣቶ ያኦሲኮ ጎኔ ዔራቶ ዴንቃኒ ፔና ዔኤያ ማሢ ዛጎንጎ።

3:4 3:4 1ቆር. 1:12። 3:6 3:6 ዳኪ. ማዳ 18:4-11፤24-28። 3:16 3:16 1ቆር. 6:19፤ 2ቆር. 6:16።

19 ዓይጎር ጌዔቴ ሃያ ዓጮ ዔራታ ያኑሲ ቤርታ ዔኤያቶታሢሮኬ፤ ዬይያ፡-

«ያኑሲ ለዔሮኬ» ጋዓ ዓሶ

ዔኤያቶኮ ጌሮ ማሊያና ዔኤያቶ ዓርቃኔ» ጌይንቴሢጉዲኬ።

20 ዬያጉዲ ሃሣ፡-

«ያኑሲ ሃያ ዓጮ ዔሮ ዓሶኮ ማሊያ

ጉሪ ባኣዚ ማዔሢ ዔራኔ» ጌይንቴ ያኣፒንቴኔ።

21 ዬያሮ ቢያ ባካ ዒንሢሮ ማዔሢሮ ዓይጎ ዓሲያ ፔ ማዳ ባኣዚና ሄርሺንቶፓ። 22 ጳውሎሴ፣ ዓጲሎሴ፣ ጳዒሮሴ፣ ሃይ ዓጮ፣ ናንጋ፣ ሃይባ፣ ሃሢ ዓኣ ባኮ ማዔቴያ ሃጊ ሙካንዳ ባካ ቢያ ዒንሢሮኬ።

23 ዒንሢ ጋዓንቴ ኪሪሰቶሴሮኬ፤ ኪሪሰቶሴ ሃሣ ያኑሲሮኬ።

4

ኪሪሰቶሴም ማዳ ዓሶ

1 ዓካሪ ዓሲ ቢያ ኑና ኪሪሰቶሴም ማዳ ዓሲ ሃሣ ያኑሲኮ ዓኣሺንቴ ማሊያ ፔጋሳንዳጉዲ፣ ጉሙርቁ ዒንጎና ዓሲኬ ጋዓንዳያ ኮይሳኔ። 2 ጉሙርቁ ዒንጎና ዓሳ ጉሙርቁንታያ ማዓኒ ኮይሳኔ።

3 ታና ዒንሢታቴያ ሃሣ ሜሌ ዓሳ «ዒ ዳቤኔ» ጌዒ ዋጋያ ማዔቴያ ሜታ ባኣሴ፣ ናንጎንጎ፤ ታኣኒታ? «ታ ዳቤኔ» ጌዒ ታ ጊዳ ዋጋኒ ዳንዳዑቀሴ። 4 ታ ዔራ ጎይያናታቴ ታ ዒና ታና «ዳቤኔ» ጎዑቀሴ፤ ዬይ፡- ታኣኮ ዳቢንቴ ባኣያ ማዒያ ዔርዙቀሴ፤ ጋዓንቴ ታ ጊዳ «ኔ ዳቤኔ» ጌይ ዋጋንዳሢ ጎዳ ዬሱሴ ሌሊኬ። 5 ዬያሮ ጎዳ ዬሱሴ ጋፒንያ ዋጎሮ ሙካንዳሢኮ ቤርታ ያጊዳ ማዔቴያ ኮይሱቀ ጎይሢና ዋጊፖቴ፤ ዒዚ ሙኬ ዋዶና ዲሞይዳ ዓኣሺንቴ ባኮ ፔጋሳንዳኔ፤ ሃሣ ዓሳ ፔ ዒና ዓኣቶ ዓርቁ ማሊያ ፔጋሲ ዒማና ዳዋንዳኔ። ዒማና ፔቴሢሢ ያኑሲዳፓ ኮይሳ ጎይያና ጋላታ ዴንቃንዳኔ።

6 ታ ዒሾንሦ! ታ ሚሾንሦ! ዒንሢ ማኣዳኒ ጌዒ ታኣና ዓጲሎሴና ዬያ ዛሎኮ ኮኣኪንሢ ማሢ ታ ዒንሢም ኬኤዜኔ፤ ዬያ ታ ማዳሢ፡- «ያኣፒንቴ ዋጎኮ ዑሣ ዓኣዲፖ» ጋዓ ዘሮ ኑ ዛሎና ዒንሢ ዔራንዳጉዲ ጌይኬ። ዬያሮ ፔቴያ ባጋሢዳፓ ባሾ ማሢ ዘገ፣ ዒዛና ሄርሺንቴፖቴ። 7 ኔና ሃንጎ ዓሶይዳፓ ባሾ ማሢያ ያናዳይ? ቢያ ባኮ ኔ ዔኤሢ ያኑሲዳፓኬ፤ ኔኤሮ ማዔ፣ ዓይጎ ባኣዚያ ባኣሴ፤ ሂዳያ ቢያ ባኮ ኔ ዔኤሢ ያኑሲዳፓ ማዔቴ ዔኪባኣያ ማዒ ዓይጋ ኔ ሄርሺንታይ?

8 ሃሢ ሃይሾ ዲንሢም ኮይሳ ባኮ ቢያ ዲንሢ ዴንቄ፤ ሃሢ ዲንሢ ያርጎጩኔ፤ ኮ ጊዳፓ ዴማዲያ ዲንሢ ካኦታዴ፤ ጎኔ ዲንሢ ካኦታዴያ ማዕቴያ ኦኦኒ ዲንሢና ዋላ ካኦታዴንዳያታሢር ካኦቲማ ዲንሢኮ ኮሺ ማዕንዳንቴኬ።⁹ ዎይቲ ጌዔቴ ያኦሲ ኦና፣ ዲዛ ማደም ዳኪንቴዘንሢ ሃይቃንዳጉዲ ዎጊንቲ ዎዶ ቤዘ ዔኪ ዓኣዶ ዓሶ ባኣኮይዳፓ ጋፒንሢ ዓሲ ማሄያ ታኣም ማላኔ፤ ዬያይዳፓ ዔቄያና ዓጮ ቢያይዳ ያኦሲ ኪኢታንቸንታ ዓሶንታ ቤርቶይዳ ዓማሊ ባኣዚ ሃሢ ማላቸም ማዓ ባኣዚ ማዒ ኦ ጴዳ፤¹⁰ ኦኦኒ ኪሪሰቶሴር ጌራ ዔኤያ ማዕኔ፤ ዲንሢ ጋዓንቴ ኪሪሰቶሴና ማዒያና ዔራ ዓሲ ማዕኔ፤ ዬያጉዲ ዲንሢ ደዲ ዓሲ ማዕኔ፤ ኦኦኒ ላቤ ዓሲ ማዕኔ፤ ሃሢ ዲንሢ ቦንቸንቴ ዓሲ ማዕኔ፤ ኦኦኒ ጋዓንቴ ቦሂንቴ ዓሲ ማዕኔ።¹¹ ሃሢያ ሃይማ ሄላንዳኣና ኦ ናይዲንታ፤ ዴኤቢንታ፤ ካላዳ፤ ጳርቂንታ፤ ሃሢ ማኣሪ ባይዚ ኦ ሜታዳ፤¹² ሃሢ ኦ ኩቻ ኦ ማዲ ማዲ ላቢንታ፤ ዓሳ ኦና ጫሽካኣና ኦ ዓንጃ፤ ኦና ዲዲ ዳውሶዋና ኦ ጊቢ ዳንዳዓ፤¹³ ኦና ጫሽኪ፣ ሱንዎዎ ኦኡኮ ፑርቲሳኣና ኮሺ ዑኡሲ ኦ ዔያቶም ማሃኔ፤ ሃሢ ሄላንዳኣና ሃያ ዓጮኮ ኬኤሪንቴያ ሃሢ ፒያና ቡኡራጉዲ ኦ ማዒ ዓኣ፤።

14 ሃያ ታ ዲንሢም ፃኣፓሢ ታኣኮ ናሽኪንቴ ናኣቶ ማሂ ዲንሢ ዘራኒ ማዕንዳኣፓዓቴም ዲንሢኮ ዒኔ ዴኡዘንቴዎሴ።¹⁵ ዎዚ ዲንሢኮ ሚርጌ ሺያና ፓይዲንታ ዲቻ ዓሲ ኪሪሰቶሴ ዘሎና ዓኣቴያ ሚርጌ ዓዶንሢ ዲንሢኮ ባኣሴ፤ ኮዦ ሃይሶ ኬኤዚያና ዬሱሰ ኪሪሰቶሴ ዘሎና ዲንሢ ሸዔሢ ታና ሌሊኬ።¹⁶ ዬያር ታ ሃንቴ ጎይያ ዲንሢ ሃንታንዳጉዲ ታ ዲንሢ ሺኢቃ፤¹⁷ ጎዳ ሱንዎና ታኣኮ ናሽኪንታሢና ጉሙርቂንታ ናዓሢ ማዕ፣ ፃዎቴዎሴ ታ ዲንሢም ዳኬሢ ዬያርኬ፤ ታኣኒ ቢያ ቤዘይዳ ሺኢጲያ ማኣራ ዔርዜ ጎይያ ሃሢ ኪሪሰቶሴና ታ ዴንቄ ዓኮ ናንጎ ታ ናንጌ ጎይያ ዒዚ ዲንሢ ዔርዘንዳ፤።

18 ጋዓንቴ ዲንሢ ባኣካፓ ፔቴ ፔቴዘንሢ ታ ዲንሢ ኮይላ ሙኪንዲዋያ ዔያቶም ማሌም ሚርጌና ያቶርቃ፤¹⁹ ያዲ ማዕቴያ ያኦሲ ጌዔቴ ዑኬ ኬሊዳ ታ ዲንሢ ኮይላ ሙኪ ዬዮ ያቶርቃ ዓሶኮ ጌኤዘ ሌሊቱዋንቴ ዎልቆዎ ዔያቶኮ ታ ዔራኒ ኮዓ፤።²⁰ ዓይጎር ጌዔቴ ያኦሲ ካኦቲማ ማዒባኣ ጉሪ ሃይሴቱዋንቴ ያኦሲ ዎልቂታሢርኬ።²¹ ዲንሢ ኮዓ ባካ ዓይጎዳይ? ዲንሢ ጳርቆንዶ ኮኣሎ ታ ዔኪ ሙካንዳጉዲ ዲንሢ ኮዓም? ናሹሞና ሹሌዑሞ ዓያናና ማዒ ታ ዲንሢ ኮይላ ሙካንዳጉዲ ዲንሢ ኮዓይ?

4:12 4:12 ዳኪ ማዶ 18:3። 4:16 4:16 1ቆር. 11:1፤ ፒልጲ. 3:17።

5

ኪሪስቶስ ጉሙርቃ ዓሰ ባኣካ ማዲንቲ ቦርሲሳ ማዶ

1 ዒንሢ ባኣኮይዳ ማቾ ሃሣ ዓኒ ማዒባኣያና ለሂንታ፡ ቦርሲሳ ሃይሴ ዋይዚንታኔ፤ ዬያጉዴ ማዶ ሜሌ ዴሮ ባኣካታዎ ማዲንቲዋያኸ፤ ዬይያ፡- ዒንሢ ባኣካ ፔኤኮ ዒንዶ ለጎ ዔኬ ዓሲ ዓኣኔ ጌይንታኔ። 2 ዓካሪ ዬያጉዴ ቦርሲሳ ማዶ ዒንሢ ባኣካ ዓኣኔቲ ዓይጎሮ ዒንሢ ያቶርቃይ? ዬያይዳፓ ዬያ ባኮ ዛሎሮ ያዩ፡ ዬያ ማዶ ማዴሢ ዒንሢ ባኣካፓ ሸኢሻንዳያ ኮይሳያታጎቲኸ። 3 ዋዚ ታ ዒንሢና ዋላቲዋቲያ ዓያኖና ታ ዒንሢና ዋላኸ፤ ሃሢ ታ ዓዳ ዒንሢና ዋላ ዓኣያ ማዒ፡ ዬያጉዴ ዒኣቲ ማዶ ማዴ ዓሢ ዑፃ ጎዳ ዬሱሰ ኪሪስቶሴ ሱንያና «ዒ ዳቤኔ» ጌይ ታ ዋጌኔ። 4 ዒንሢ ቡኪንታ ዋዶና ታኣኒያ ዓያኖና ዒንሢና ዋላታሢሮ፡ ኑ ጎዳሢ፡ ዬሱሴ ሱንያና ሃሣ ዒንሢ ባኣኮይዳ ዓኣ፡ ጎዳ ዬሱሴ ዋልቆና፡ 5 ጎሜ ማዶ፡ ዬያ ዓሢኮ ዑፆ ዓሸካ ባይቃንዳጉዲ ዒንሢ ባኣካፓ ዲማሲ፡ ፃላሂም ዒዛ ዓኣሢ ዒንጋንዳያ ኮይሳኔ፤ ዬያ ዒንሢ ማዳንዳሢ ጎዳ ጋፒንፆ ዋጎሮ ሙካኣና ዬያ ዓሢኮ ሸምፓሢ ዳቃንዳጉዲኸ።

6 ዓካሪ ዒንሢ ሄርሺንቲ ያቶርቃሢ ጉሪኸ፤ ሙኑቃ ፃኣዛ ዲቦ ሙኑቆ ቢያ ካዲሳሢ ዒንሢ ዒሩዋይ? 7 ፃኣዛ ባኣ ሙኑቃ ዒንሢ ማዓንዳጉዲ ሙኑቆ ፃኣዛ ዒንሢዳፓ ባይዙዋቲ፤ ዒንሢዳ ዬይ ባኣሢያ ታ ዔራኔ፤ ዑሣ ዓኣዲያ ከሎ ማራዓሢ ማዔ፡ ኪሪስቶሴ ኑ ጋይቲ ሹኪንቲ ሃይቄኔ፤ 8 ዬያሮ ፑርቲሞና ጌይ ማዶና ኩሜ፡ ሙኑቆ ፃኣዛናቲዋንቲ ሙኑቆ ፃኣዛባኣ ላኣዶ ሙዒ ኑኡኮ ቦንቾ ከሎ ፒዙሞና ሃሣ ጎኑሞና ኑ ቦንቾም።

9 ሃያኮ ቤርታ ታ ዒንሢም ፃኣፔ ኪኢቶይዳ፡- «ማቾ ሃሣ ዓኒ ማዒባኣያና ለሃ ዓሰና ዋላ ፔቲ ማዒፖቲ» ታ ዒንሢም ጌዔኔ። 10 ዬያ ታ ጋዓዛ ሃያ ዓጮይዳ ዓኣ ማቾ ሃሣ ዓኒ ማዒባኣ ዓሰና ለሃ ዓሰና ሚኢሾሮ ጎጋይቃ ዓሰና ዬያጉዲ ዉዘና ጎኔ ያኣሲ ማዒባኣ ባኮ ካኣሸካ ዓሰና ዋላ ፔቲ ማዒፖቲ ጌይሢቲዋሴ፤ ያዲ ማዔያታቲ ሃያ ዓጮይዳፓ ከሰካንዳያ ዒንሢም ኮይሳኔ ጌይሢኸ። 11 ታኣኒ ጋዓንቲ ዒንሢም ፃኣፔሢ፡- «ኪሪስቶሴ ጉሙርቃ ዓሲኸ» ጌይ ጌይ ማቾ ሃሣ ዓኒ ማዒባኣያና ለሃዘንሢና ሚኢሾሮ ጎጋይቃዘንሢና፡ ዬያጉዲ ጎኔ ያኣሲ ማዒባኣ ካኣፑ ካኣሸካ ዓሰና ዓሲ ጫሸካ

5:1 5:1 ላሚ. ዋማ 22:30። 5:6 5:6 ጋላ. 5:9። 5:7 5:7 ኬሲ. ማፃ 12:5።
5:8 5:8 ኬሲ. ማፃ 13:3፤ ላሚ. ዋማ 16:3።

ዓሰና ማሠንገታ ዓሰና ሃሣ ዉኡቃ ዓሰና ዋላ ፔቴ ማዒፖቴ ጌይኬ።
ዬያጉዴ ዓሰና ዋላ ሙኡዚታ።

12 ኪሪሰቶሴ ጉሙርቁዋ፡ ዙላ ዓኣ ዓሶ ዑፃ ዋጋኒ ታኣም ኮይሳያቱዋሴ፤ ኪሪሰቶሴ ጉሙርቁ ዓሶይዳ ጋዓንቴ ዒንሣ ዋጋኒ ዳንዳዓያቱዋይ? 13 ኪሪሰቶሴ ጉሙርቁዋ ዓሶይዳ ዋጋሣ ያኦሲኬ፤ ዓካሪ ማፃኣፓ ጋዓሣጉዲ «ፑርቶ ዓሣ ዒንሣ ባኣካፓ ሺኢሹዋቴ።»

6

ኪሪሰቶሴ ጉሙርቁ ዓሶኮ ሞኦቶ ዛላ

1 ዒንሣዳፓ ፔቴ ዓሲ ኪሪሰቶሴ ጉሙርቁያ ማዕ። ዒሻሣና ዋላ ፑርቴቴ ጌኤዞ ያኦሲ ዓሳ ዋጋንዳጉዲ ማሃይይዳፓ ዋጌና ዓይሣሳኒ ያኦሲ ዔሩዋ ዓሰና ዋጊሳኒ ዋይቲ ዓኣዳኒ ጫርቃይ? 2 ያኦሲ ዓሳ ዓጮይዳ ዋጋያታሣ ዒንሣ ዔሩዋዓዳ? ሃዳ። ዓጮይዳ ዒንሣ ዋጋያታንቴ ዬያ ዳኮ ባኮ ዋጊፃ ዒንሣ ባሺያ? 3 ያኦሲ ከኢታንቸይዳታ። ኦ ዋጋንዳሣ ዒንሣ ዔሩዋዓዳ? ሃዳ። ሃያ ዓጮ ባኮይዳ ባሺና ዋይቲ ዋጋኒ ኦ ዳንዳዑዋይ? 4 ዓካሪ ዋሊና ዒንሣ ፑርቴቴ ኪሪሰቶሴ ጉሙርቁ ዓሶ ባኣካ ባኣ ዓሰና ዋጊሳኒዳ? 5 ዔዛታ! ዒንሣ ባኣኮይዳ ዓሲ ገኢገሻኒ ዳንዳዓ። ዒናና ዓኣ። ጪሚባኣዓዳ? ስርሶ ዒንሣም ማፃም፤ 6 ዓካሪ ፔቴ ኪሪሰቶሴ ጉሙርቁ ዓሲ ባሣሣ ዋጌና ዓይሣሳኒ ያኦሲ ዔሩዋ ዓሶ ዋኅ ቤዞ ዓኣዳኒ ኮይሳ?

7 ጉቤና ዋላ ዒንሣኮ ሞኦቲንገታ ዳውሲንቲኬ፤ ዬያይዳፓ ዒንሣም ፑርቲሶናኣታቴ ሃሣ ዒንሣ ጌሸናኣታቴ ኮሺቱዋዓዳ? 8 ዒንሣ ጋዓንቴ ዒንሣም ፑርቲሳኔ፤ ሃሣ ዒንሣ ጌሻኔ፤ ዬያጉዲ ዒንሣ ዒሸንሣንገታ ሚሸንሣንገታም ዒንሣ ዬያይዳኔ። 9 ፑርቶ ዓሳ ያኦሲ ካኣቱሞይዳ ጌሊንዲሞኣሣ ዒንሣ ዔሩዋዓዳ? ዬያ ባኮና ጌሺንቲፖቴ፤ ዓኒ ሃሣ ማቸ ማዒባኣ ዓሰና ላሃኒ ሱኡካዳ ዓሳ። ያኦሲፓ ማሌ ካኣሸካ ዓሳ። ዓኒ ሃሣ ማቸ ማዒባኣ ዓሰና ላሃ ዓሳ። ዓቲንቁና ላሃ ዓቲንቁ። 10 ዉሲ። ሚኢሺር ጎጋይቃ ዓሲ። ዑሽኪ ማሠንገታ ዓሲ። ዓሲ ደንካ ዓሲ። ዓሲ ባኣዚ ቡራ ዓሲ ያኦሲ ካኣቱሞይዳ ጌላዓኬ። 11 ዒንሣዳፓ ፔቴ ፔቴዞንሣ ቤርታ ያዲኬ፤ ሃሣ ጋዓንቴ ጎዳ ዬሱሱ ኪሪሰቶሴ ሱንፃና ኦ ጎዳሣ ዓያናና ጎማፓ ዒንሣ ማሰቲ ጌኤሽኬኔ፤ ያኦሲም ዲማዴ ዴሬያ ዒንሣ ማዕኔ፤ ዒሊያ ዒሊኔ።

ዑፃ ያኦሲ ቦንቸም ማሃሣ

12 ቢያ ባአዚ ታ ማዳንዳጉዲ ዓይሢንቴያኬ፤ ጋዓንቴ ቢያ ባካ ታአም ኮይሳያቱቀሴ፤ ቢያ ባአዚ ታ ማዳንዳጉዲ ታአም ዓይሢንቴኔ፤ ዩይ ያዲ ማዕቴያ ዓይጎ ባአዚማአ ካራሚ ማዒ ታ ዋርቃዓኬ፤ 13 ሙኡዚ ጎጂም፣ ጎጂ ሃሣ ሙኡዚምኬ፤ ያዲ ማዕቴያ ያኦሲ ሙዎንታ ጎጂንታ ባይዘንዳኔ። ኦኡኮ ዑፃ ጎዳም፣ ጎዳአ ኦ ዑዎም ማዕሢር ኦኡኮ ዑዎ ማቾ ሃሣ ዓኒ ማዒባአያና ላሂሢም ማሃንዳያ ኮይሱቀሴ። 14 ያኦሲ ጎዳ ዩሱሴ ሃይባፓ ዔቂሴኔ፤ ሃሣ ኦናአ ፔ ዋልቆና ሃይባፓ ዔቂሳንዳኔ።

15 ዒንሢኮ ዑፃ ኪሪሰቶሴ ዑዎይዳፓ ፔቲ ቤሲ ማዕሢሢ ዒንሢሢ ዔሩቀዓዳ? ዓካሪ ኪሪሰቶሴ ዑዎ ማዕሢሢ ዔኪ ዓኒ ማዒባአ ዓሶና ላሂ ላአሎ ዑዎና ዋላ ፔቲ ማሃንዳያ ታአም ኮይሳ? ፔቲታዎ ዩይ ኮይሱቀሴ! 16 ዓኒ ማዒባአ ዓሶና ላሂ ላአሎና ላሂ ዓሲ ዒዘና ዋላ ፔቲ ማዕሢሢ ዒንሢሢ ዔሩቀዓዳ? ዎይቲ ጌዔቴ፡- «ለምዎንሢ ፔቲ ማዕሢ» ጌይንቴ ፃአፒንቴሢርኬ።

17 ጎዳና ዋላ ፔቲ ማዕ ዓሳ ጋዓንቴ ዒዘና ዋላ ዓያናና ፔቲ ማዕሢ።

18 ዩይር ማቾ ሃሣ ዓኒ ማዒባአያና ላሂፖቴ፤ ዓሲ ማዳ ሜሌ ጎሜ ቢያ ፔ ዑዎኮ ዙላ ማዳያኬ፤ ማቾ ሃሣ ዓኒ ማዒባአያና ላሂ ዓሲ ጋዓንቴ ፔ ዑዎይዳ ጎሜ ማዳኔ። 19 ያኦሲዳፓ ዒንሢሢ ዔኬ፣ ዒንሢኮ ጋርይዳ ናጎጋ ዓያና ጌኡፐኮ ዒንሢሢ ዑፃ ማአር ማዕያታሢ ዒንሢሢ ዔሩቀዓዳ? ዒንሢሢ ያኦሲር ማዕንዳኢፓዓቲም ዒንሢሢርቱቀሴ።

20 ዎይቲ ጌዔቴ ዒዚ ዒንሢሢ ሻንቂ ዔኬያኬ፤ ዩይር ዒንሢኮ ዑዎና ያኦሲ ቦንቾዋቲ።

7

ዔፒ ዘላ ያኦጪንቴ ያኦጪሢ

1 ዒንሢሢ ታና ፃአፒ ያኦጪፍ ዓኦጪዎ ዘሎኮ፡- ዓሲ ላአሊ ዔኪባአቲ ኮሺኬ ታ ጋዓኔ። 2 ጋዓንቴ ማቾ ሃሣ ዓኒ ማዒባአያና ላሂ ጎሜ ማዳቀጉዲ ፔቲ ፔቲ ዓቲንቆኮ ማቾ ዓአያ፤ ሃሣ ፔቲ ፔቲ ላአሎኮ ዓኒ ዓአያ ማዎንጎ። 3 ዓኒ ፔ ማቾም ፔና ዒንጋኒ ኮይሳኔ፤ ዩይጉዲ ማቾአ ፔ ዓኒም ፔና ዒንጋኒ ኮይሳኔ። 4 ማቾኮ ዑፃ ዒዘር ሌሊቱዋንቴ ዓኒንታ ዋላርኬ፤ ዩይጉዲ ሃሣ ዓኒ ዑፃ ዒዘር ሌሊቱዋንቴ ማቾንታ ዋላርኬ።

5 ያኦሲ ሺኢቃኒ ለምዎንሢ ዋላ ገኢጊ ዳካ ዎደም ማዕንዳኢፓዓቲም ዲማዲ ዋርቂባአያታቲ ቃራኬ፤ ዒንሢሢ ዒንሢሢ

6:12 6:12 1ቆር. 10:23። 6:16 6:16 ማዢ. ማፃ 2:24። 6:19 6:19 1ቆር. 3:16፤ 2ቆር. 6:16።

ካፓኒ ዳንደዑቀያ ማዕም ፃላሄ ዒንሢ ጌሹቀጉዲ ዋላ ማዑቀቱ።
 6 ይያ ታ ዒንሢም ጋዓሢ ዘሮጉዲ ማዓንዳኣፓዓቱም ዓይሥሢ ማሂቱቀሴ። 7 ዓሲ ቢያ ታጉዲ ላኣሊ ዔኩቀየ ናንጌቱ ቃራኬ ታ ጋዓኔ፤ ጋዓንቴ ፔቱ ፔቱሢም ያኣሲ ዲማ ዲማ ዒንገሢ ዒንጌኔ፤ ፔቱሢም ፔቱ ባኣዚ፥ ባጋሢም ማሌ ባኣዚ ዒንገንቴኔ።

8 ሎይባኣ ዓሶንታ ዔኪባኣ ዓሶንታም፤ ገንሣ ሃሣ ዓሪንሢ ሃይቄ ላኣሎንታም ታ ሂዚ ጋዓኔ፡- ዔያታ ሎውቀየ ሃሣ ዔኩቀየ ታጉዲ ናንጌቱ ዔያቶም ቃራኬ። 9 ጋዓንቴ ዔያታ ፔና ዳንደዒ ካፓኒ ባሽንቴቱ ሌዖንጎ፤ ዔኩንጎ፤ ዓይጎሮ ጌዔቱ ዔኪሢና ሎዒሢና ዘላ ማሊ ማታዲሢዳፓ ዔኪያና ሎይያና ኮሺኬ።

10 ዔኪዘንሢና ሎዔዘንሢናም ታ ሂዚ ጋዓኔ፡- ሃይ ጎዳ ጋዓያ ማዓንዳኣፓዓቱም ታ ጋዓያቱቀሴ። ሎዔ ላኣሊ ፔኤኮ ዓሪዳፓ ዲማደፓ፤ 11 ዓሪፓ ዲማዲ ዒዛ ኬሰኬቱ ሎውቀየ ፔኤሮ ናንጎንጎ፤ ዔይዔ ጌዔቱ ዓሪና ቡኮንጎ፤ ዔያጉዲ ዓሪያ ፔ ማቾ ዓንጅፓ።

12 ሃንጎቀቶም ጎዳ ጋዓያቱቀንቴ ታ ሂዚ ጋዓኔ፡- ፔቱ ኪሪሰቶሴ ጉሙርቃ ዓሲኮ ኪሪሰቶሴ ጉሙርቁቀ ላኣሊ ዓኣያታየ ዒዘና ዋላ ናንጋኒ ኮዔቱ ዒዛ ዒ ዓንጅፓ። 13 ሃሣ ኪሪሰቶሴ ጉሙርቃ ላኣሊኮ ኪሪሰቶሴ ጉሙርቁቀ ዓሪ ዓኣያ ማዒ፥ ዒዘና ዋላ ናንጋኒ ኮዔቱ ዒዛ ዒዛፓ ዓንጅንቶ። 14 ዓይጎሮ ጌዔቱ ኪሪሰቶሴ ጉሙርቁቀያ ማዔ ዓናሢ ኪሪሰቶሴ ጉሙርቃ ዒዛኮ ማቾ ዘሎና ያኣሲ ዓሲ ማዓሢሮኬ፤ ኪሪሰቶሴ ጉሙርቁቀያ ማዔ ላኣሌላኣ ኪሪሰቶሴ ጉሙርቃ ዓሪ ዘሎና ያኣሲ ዓሲ ማዓኔ፤ ያዲ ማዒባኣቶ ናኣታ ዒንሢኮ ያኣሲ ዓሲ ማዓኒ ዳንደዑቀሴ፤ ዔያይዲ ዒንሢ ናንጌቱ ናኣታ ዒንሢኮ ያኣሲ ዓሲኬ። 15 ኪሪሰቶሴ ጉሙርቁቀያ ማዔ ዓሶማ ዲማዲኒ ኮዔቱ ዲማደንጎ፤ ዔካፓ ኪሪሰቶሴ ጉሙርቃያ ማዔ ዓሪታቱያ ማቾ ፔቱ ማሃ ዋጋ ዓርቃኒ ዳንደዑቀሴ። ዓይጎሮ ጌዔቱ ያኣሲ ኑና ዔኤሌሢ ኮሹሞና ኑ ናንጋንዳጉዲታሢሮኬ። 16 ዔና፥ ኪሪሰቶሴ ጉሙርቃኬሌ ኪሪሰቶሴ ጉሙርቁቀ ዓሪ ኔኤኮ ኔ ዳቂሻንዳያ ናንዳኔ ኔ ዔራ? ኔኤኒ ኪሪሰቶሴ ጉሙርቃሃ ኪሪሰቶሴ ጉሙርቁቀ ኔኤኮ ማቾ ኔ ዳቂሻንዳያ ናንዳኔ ኔ ዔራ?

17 ፔቱ ፔቱሢ ያኣሲ ዒዛም ጌዔ ጎይያ ሃሣ ያኣሲ ዒዛ ዔኤላኣና ዓኣ ጎይያ ናንጎንጎ። ኪሪሰቶሴ ጉሙርቃ ሺኢጲያ ማኣሮ ዓሶም ቢያ ታ ዒንጌ ዋጋ ዔያኬ። 18 ያናታቱያ ዓቲንቶ ቤርቶ ቲቁንቴያታየ ዔኤሊንቴያ ማዔቱ ቲቁንቲባኣሢጉዲ ማዓኒ ማሎፓ፤ ዓቲንቶ ቤርቶ ቲቁንቲባኣ፥ ዔኤሊንቴያ ማዔቱ «ቲቁንታኒ ኮይሳኔ» ጌይሳ

7:11 ማቲ. 5:32፤ 19:9፤ ማር. 10:11-12፤ ሉቃ. 16:18።

ባአዚ ባአሴ። 19 ዓቲንቴ ቤርቲ ቲቁንቲሢ ማዕቲያ ቲቁንቲቀ ሃሺፃ ማአዳ ባአዚ ባአሴ፤ ባሼ ኮይሳሢ ጾኦሲ ዓይሢያ ኩንሥሢኬ።
 20 ዩያር ፔቴ ፔቴ ዓሳ ጾኦሲ ዒዛ ዔኤላአና ዓአ ጎይጾማ ናንጎንጎ።
 21 ጾኦሲ ኔና ዔኤላአና ኔ ዓሲኮ ዓይሌዳ? ጾዲ ኔ ማዕቲያ ዔኤቢባአሴ፤ ማሊ ማታዲፖ፤ ዓይሉማፓ ኬሰካኒ ካራ ኔኤም ጴዳቴ ኬዞ ሃሺፖ። 22 ዓይጎር ጌዔቲ ዓሲኮ ዓይሌ ማዒ ዓአንቴ ጎዳ ዔኤሌ ዓሲ ጎዳና ዓይሉማፓ ኬሰኬኔ፤ ዩያጉዲ ዓይሌቲቀያታፖ ዔኤሊንቴ ዓሲ ኪሪሰቶሴኮ ዓይሌኬ። 23 ጾኦሲ ዒንሢ ሻንቁ ዔኬሢሢር ዓሲኮ ዓይሌ ማዒፖቴ። 24 ዩያር ታ ዒሾንሦ ታ ሚሾንሦ! ፔቴ ፔቴ ዓሳ ዔኤሊንታማና ዓአ ጎይጾ ጾኦሲና ቀላ ናንጎንጎ።

ዔኪባአያ ሃሣ ሎዒባአ ዓሶና ዓኒንሢ ሃይቁ ላአሎና ዛላ

25 ዔኪባአያ ሃሣ ሎዒባአ ዓሶ ዛሎ ጎዳፓ ታ ዔኬ ዓይሥሢባአሴ፤ ጋዓንቴ ጎዳኮ ማአሪፃፓ ዔቁያና ጉሙርቁንቴ ዓሲ ማዒ ሃካፓ ለካ ታ ማሊጾ ታ ኬኤዛኔ፤

26 ሃሢ ኑ ዓአ ቀዳ ሜቶ ቀዳታሢር ዓሲ ዓአማ ጎይጾ ናንጌቴ ቀራኬ። 27 ጋዓንቴ ላአሊ ኔ ዔኬያ ማዕቲ ዓንጃኒ ኮይፖ፤ ላአሊ ኔ ዔኪባአያ ማዕቲ ዔካኒ ኮይፖ። 28 ኔኤኒ ላአሊ ዔኬቴ ጎሜ ማዳኔ ጌይሢቲቀሴ፤ ሃሣ ፔቴ ዉዱር ናይ ሎዔቲ ጎሜ ዒዛ ማዳኔ ጌይሢቲቀሴ፤ ማዕቲያ ዔካ ዓሶና ሎዓ ዓሶና ሃያ ዓጮይዳ ሚርጌ ናንጊ ሜታ ሄላኔ፤ ታኣኒ ዒንሢ ዩይ ሄሉቀጉዲ ኮዓኔ።

29 ታ ዒሾንሦ! ታ ሚሾንሦ! ታ ዒንሢም ሂዚ ጋዓኔ፡- ቀዳ ጋፒ ጋፒኬ፤ ሃካፓ ሴካ ላአሊ ዓአሢያ ዔኪባአያጉዲ ማዒ ናንጎንጎ።
 30 ጾሃሢ ጾዩቀአሢጉዲ፣ ቀዛዳሢ ቀዛዳቀአሢጉዲ ማዒ ናንጎንጎ፤ ዔኤቢ ሻንቃሢ ዒ ሻንቁ ባካ ዒዛርኬ ጌይ ማሎፓ። 31 ሃያ ሳጾይዳ ዓአ ቆሎና ማአዲንታሢ ጉቤ ማአዲንቲቀያ ማዒ ናንጎንጎ፤ ዓይጎር ጌዔቲ ሃያ ዓጮ ባካ ላአሚንታንዳሢርኬ።

32 ዩያር ዓይጎ ማሊሢና ዒንሢ ማታዲቀፖ ናንጋንዳጉዲ ታ ኮዓኔ፤ ላአሊ ዔኪባአ ዓሲ ጎዳ ቀዛሳንዳ ባአዚ ኮዓሢር ጎዳ ቀዛሳ ባአዚ ማላኔ። 33 ላአሊ ዔኬ ዓሲ ጋዓንቴ ማላሢ ሃያ ዓጮ ባአዚና ፔ ማቕ ቀዛሳንዳ ባአዚኬ። 34 ዩያር ማሊፃ ዒዛኮ ላምፖ ፓቁንታኔ ጌይሢኬ። ዩያጉዲ ሎዒባአ ላአሊታቲያ ዉዱር ናይ ፔኤኮ ዓሽኮና ሽምፓሢና ጾኦሲም ዲማዴያ ማዓኒ ኮዓሢር ማሊፃ ዒዛኮ ጎዳም ኮይሳ ማዳይዳኬ። ሎዔ ላአሌላ ጋዓንቴ ፔኤኮ ዓኒ ቀዛሳኒ ኮዓሢር ዒዛ ማላሢ ሃያ ዓጮ ባአዚኬ።

35 ዩያ ታ ጋዓሢ ዒንሢም ኮይሳ ባኮ ማሊሢና ማዓንዳአፓዓቲም ዒንሢም ዔሶ ዴኤዲሳኒቲቀሴ፤ ታኣኮ ማሊፃ ዒንሢ ኮይሳ ጎይሢ

ናንጋንዳጉዲና ማሊፃ ዒንሢኮ ዣኦሎዋንቴ ጉቤ ዒናና ማዒ ጎዳም ማዳንዳጉዲ ጌይኬ።

36 ፔቴ ዓሲ ፔቴ ወዱሮ ናሽኪ ዋላ ዓማላያታዎ ዬኖ ዔካኒ ማሊባኣንቴ፣ ዬኖ ወዱሬሎኮ ሎዎንዶ ዎዳ ዓኣዳያ ማዔቴ ሃሃዒ ዒ ዔኪፆ ማሊፆ ገባኒ ዳንዳዒባኣያታቴ ጎሜ ባኣሴ ዔዔኮንጎ።

37 ጋዓንቴ ዔካኒ ዒዛ ሜታሳ ባኣዚ ባኣቴ፣ ዔኩዋዎ ዳዓኒ ዳንዳዓያታቴ ሃሃዒ ዬይ ጎኔ ዒናፓ ማዔያታቴ ዔኪባኣቴ ኮሺኬ።

38 ዬያሮ ያኦጮዛ ዔኬሢ ኮሺ ማዳኔ፤ ዔኩዋዎ ሃሹሢያ ባሼ ኮሺ ማዳኔ።

39 ፔቴ ላኣሊ ዓኒ ሽምፔና ዓኣና ዔፒ ዛላ ዎጌና ቴኡቴያኬ፤ ዓኒ ሃይቄቴ ጋዓንቴ ሜሌ ኮዔ ዓሲም ዒዛ ሎዓኒ ዳንዳዓኔ፤ ዒዛ ሎዓንዳ ዓሢ ኪሪሰቶሴ ጉሙርቃያ ማዓኒ ኮይሳኔ። 40 ታ ማሊፆና ታ ጋዓሢ ሎውዋዎ ፔኤሮ ዒዛ ናንጌቴ ባሼ ዒዛ ዎዛና ናንጋንዳኔ፤ ታና ያኦሲ ዓያና ዬያ ጌይሳያ ማላኔ።

8

ሜሌ ካኣሽም ሹኪንቴ ዓሽኪ ዛላ

1 ሜሌ ያኦዞም ሹኪንቴ ቆልሞ ዓሽኮ ዛሎ ሂዚ ታ ጋዓኔ፡- ቢያሢኮ ኦኡኮ ዔራቶ ዓኣኔ። ዔራቶ ዓሲ ያዎቶርሳኔ፤ ናሹሞ ጋዓንቴ ዓሲ ኮኮሻኔ። 2 «ታ ዔራኔ» ጋዓ ዓሲ ኮይሳሢጉዳያ ሃጊ ዔሪባኣያኬ። 3 ያኦሲ ናሽካ ዓሲ ጋዓንቴ ያኦሲና ዔርቴያ ማዓኔ።

4 ዓካሪ ሜሌ ያኦዞም ሹኪንቴ ዓሽኪ ዛላ ታ ጋዓሢ ሜሌ ያኦዞ ሃያ ዓጮይዳ ዓይሳዋቱዋኣሢ ኦ ዔራኔ፤ ዬያጉዲ ፔቴ ያኦዞሢዳፓ ዓታዛ ሜሌ ያኦሲ ባኣሢያ ኦ ዔራኔ። 5 ሚርጌ ያኦሲ ጌይንታ ባኣዚና ጎዳቲ ጌይንታይ ዓኣኔ፤ ጋዓንቴ ጫሪንጫ ማዔቴያ ሳያይዳ ያኦሲ ጌይንታ ካኣሽኮ ባኣዚ ዓኣቴያ፣ 6 ኦኡኮ ጋዓንቴ ቢያ ባኣዚ ዒዛይዳፓ ማዢንቴያ፣ ኦኡኒያ ዒዛም ማዢንቴያ ፔቴ ያኦሲ ማዔ ዓዳ ዓኣኔ፤ ዬያጉዲ ሃሃዒ ቢያ ባኣዚ ዒዛ ዛሎና ማዢንቴያ ኦኡኒያ ዒዛ ዛሎና ማዢንቴያ፣ ፔቴ ጎዳ ዬሱሰ ኪሪሰቶሴ ኦኡኮ ዓኣኔ።

7 ጋዓንቴ ዬያ ቢያሢ ዔራዋሴ፤ ፔቴ ፔቴዞንሢ ሃሢ ሄላንዳኣና ሜሌ ያኦዞ ካኣሽኪሢ ዔሪሢሮ ዬያጉዳ ዓሽኮ ዔያታ ሙዓሢ ሜሌ ያኦዞም ሹኪንቴያ ማሂኬ፤ ዒና ዔያቶኮ ዔያቶ ዳቢንቴያኬ ጋዓሢሮ ዔያታ ዒኢታኔ። 8 ጋዓንቴ ያኦሲና ኦኡኦና ዋላ ካንሢሢ ሙኡዚቱዋሴ፤ ኦ ሙዒባኣቴያ ፓጫንዳ ባኣዚ ባኣሴ፤ ኦ ሙዔቴያ ባሼ ዳንቃንዳ ባኣዚ ባኣሴ።

9 ዬይ ያዲ ማዕቲያ ዬይ ኮዔ ጎይያ ማዲፍ፡ ኪሪሰቶሴ ጉሙርቂያና ዶዲባኣ ዓሰ ደቢሻያ ማዑዋጉዲ ዒንሢና ዔሩዋቲ።
 10 ዓይጎር ጌዔቲ «ታ ዔራኔ» ጌዒ ሜሌ ያኦዞም ሹኪንቴ ዓሸኮ ካኣኸ ማኣራ ኔ ዴዒ ሙዓንቴ ኪሪሰቶሴ ጉሙርቂ ዶዲባኣ ዓሢ ኔና ዴንቁቲ ዬይ ማዲ ኔኤኮ ሜሌ ያኦዞም ሹኪንቴ ዓሸኮ ሙዓንዳጉዲ ዓሢ ማሃያቲዋዓዳ? 11 ዬያር ኔኤኮ «ታ ዔራኔ» ጌይያና ኪሪሰቶሴ ዒዛ ጋይቲ ሃይቁሢና ጉሙርቂያና ዶዲባኣሢ ሳይቄኔ ጌይሢኬ።
 12 ዬያይዲ ኪሪሰቶሴ ጉሙርቂ ዒንሢኮ ዒሸንሢንታ ሚሸንሢንታ ደቢሺያና ሃሃ ዔያቶኮ ላቤ ዒኖ ባሼ ላቢሲያና ኪሪሰቶሴም ዋይዞ ዒፃያ ማዒ ዒንሢ ደባኔ። 13 ዬያር ሙኡዚ ታኣኮ ኪሪሰቶሴ ጉሙርቂ ዒሸሢንታ ሚሸንታ ደቢሻያ ማዕቲ፥ ታ ዒሸሢንታ ታ ሚሸንታ ደቂሲያይዳፓ ፔቲታ? ዓሸኪ ታ ሙዓዓ።

9

ያኦሲ ማደም ደኪንቴ ዓሲም ኮይሳ ባኣዚ

1 ታኣኒ ቢያ ባኣዚ ማደኒ ዳንዳዓ ዓሲቱዋዓዳ? ያኦሲ ማደማኣ ታ ደኪንቴያቲዋዓዳ? ኑ ጎዳሢ ዬሱሴ ታ ዛገባኣዓዳ? ጎዳ ዬሱሴም ታ ማደ ማደኮ ዓኣፓ ዒንሢቲዋዓዳ? 2 ጎዳ ታና ያኦሲ ማደም ደኬያ ማዕሢ ዔርዛ ማላታ ዒንሢ ማዕሢር ሃንጎዋታ ታና ያኦሲ ማደም ደኪንቴያኬ ጌይባኣቲያ ዒንሢም ጋዓንቴ ታ ጎኔና ያኦሲ ማደም ደኪንቴሢኬ።

3 ያኦሲ ማደም ደኪንቴያ ዛሎ ታና ደንካ ዓሰም ታ ሂዚ ጋዓኔ፡-
 4 ሙዮ ባኣዚና ዑሽኮ ባኣዚና ታኣም ኮይሱዋያዳ? 5 ያኦሲ ማደም ደኪንቴ ሜሌዞንሢና ጎዳ ዬሱሴኮ ጌርሲንሢና ጳጳርሴንሢናጉዲ ኪሪሰቶሴ ጉሙርቂ ላኣሊ ዔኪ ዋላ ሃንታኒ ኮይሱዋኣሢ ታና ሌሊዳ? 6 ሃሃ ኑና ዋይሢሢ ማዲ ላቢ ናንጋኒ ኮይሳሢ ሳርናባሴና ታኣና ሌሊዳ? 7 ዒንጎ ሚኢሹ ባኣንቴ ፔ ሚኢሹና ፖኦሊሴ ማዒ ማደይ ያናደይ? ሃሃ ዋይኖ ቱካዖ ዓኣፓ ካፃዛ ሙዑዋኣሢ ያናደይ? ቆልሞ ሄንቃያታዮ ዲኢቆ ዑሽኩዋይ ያናደይ?

8 ሃያ ታ ጋዓሢ ዓሲ ማሊሢና ሌሊዳ? ሙሴ ዔርዜ ዋጋ ሂዚ ጎውዋዓዳ? 9 ዋጎይዳ፡- «ሃኣኮ ሺርካ ጌሜኮ ዳንጎ ቱኪፖ» ጌይንቴ ፃኣፒንቴኔ። ሂዳዖ ያኦሲ ዬያ ጌዔሢ ጌማቶም ማሊዳ? 10 ዒዚ ዬያ ጌዔሢ ጎኔና ኑ ዛሎቲዋዓዳ? ጎኔኬ፥ ዬይ ፃኣፒንቴሢ ኑ ዛላኬ፤ ዓይጎር ጌዔቲ ጎሽካሢ ሃሃ ሃኣኮ ሺርካሢ ሃኣኮይዳፓ ዒዛም ሄላንዳያ ዓኣሢ ዔሪ፥ ሃጊ ማዓንዳ ዋዛ ጌሃሢሮኬ። 11 ኑኡኒ

9:9 9:9 ላሚ. ዋማ 25:4፤ 1፻፵. 5:18።

ዲንሢም ዓያና ባአዚ ዜርቃዎ ዲንሢዳገ ዓሲ ዲንገ ባአዚ ዴንቁቴ ዬይ ዴኤፒ ባአዚዳ? 12 ሃንጎዋታ ዬያ ባኮ ዲንሢዳገ ዴንቃያ ማዕቴ ዓካሪ ኦኡኒ ዬያገ ባሼ ዴንቃኒ ኮይሱዋዓዳ?

ኦኡኒ ጋዓንቴ ዬያይዲባአሴ፤ ኦኡኒ ዬያ ሃሼሢ፣ ኪሪሰቶሴ ኮዦ ሃይሶ ማደኮ ዲቆ ማዕ-ዋጉዲ ቢያ ባአዚ ገቢ ኦ ዳንዳገም ጌይኬ። 13 ጌኤዦ ማአሮይዳ ማዳ ዓሳ ሙዖ ዲኢካገ ዴንቃሢጎታ ሹጮና ማዦና፣ ያኦሲም ዲንጎ ቤዘይዳ ማዳ ዓሳአ ዲንጎ ባኮይዳገ ዔኪ ሙዓሢ ዲንሢ ዔሩዋዓዳ? 14 ዬያጉዲ ኮዦ ሃይሶ ኬኤዛ ዓሳ ዔያታ ሙዓንዳ ባኮ ዬኖ ማዳ ማዳይዳገ ዴንቃንዳጉዲ ጎዳ ዓይሢኔ።

15 ታኣኒ ጋዓንቴ ዬያ ታኣም ኮይሳ ባኮይዳገ ፔቴታዖ ዔኪባአሴ፤ ዬይ ታኣም ሃሢ ያዲ ማዓንዳጉዲ ጌይቱዋሴ ሃያ ታ ዲንሢም ፃኣገሢ፤ ታ ጫርቂ ጌሰቴ ባኮ ጉሪ ማሃያይዳገ ታ ሃሃይቁቴ ቃራኬ።

16 ኮዦ ሃይሶ ኬኤዚ፣ ታኣም ዓይሢንቴ ዓይሥሢ ማዓሢሮ ታና ሄርሺንቴሳ ባአዚቱዋሴ፤ ታኣኒ ኮዦ ሃይሶ ኬኤዚባኣያ ማዕቴ ታና ባዴዔ! 17 ኮዦ ሃይሶ ቃኣሎ ናሽኪ ታ ኬኤዛያ ማዕቴ ላቢዖ ዛሎ ታኣም ዲንገንታንዳ ባአዚ ዓኣኔ፤ ዓይሥሢና ታ ኬኤዛያ ማዕቴ «ማዳ» ጌይ ዓይሢንቴሢ ኩዢሢያገዓቴም ሜሌ ባአዚ ታ ማዳኔ ጌይሢቱዋሴ። 18 ሃዳዖ ታኣኮ ላቢያም ዲንገንታ ባካ ዓይጌንዳይ? ዓካሪ ታኣም ዲንገንታ ባካ ኮዦ ሃይሶ ታ ኬኤዛኣና ታኣም ኮይሳ ባኮ ዔኩዋዖ፣ ዔኤቢ ባኣያ ማዳሢኬ።

19 ታኣኒ ዓይጎ ዓሲኮዋ ካራሚቱዋሴ፤ ማዕቴያ ታኣም ዳንዳዒንቴ ጎይፆና ሚርጌሢ ዳቂሻኒ ጌዒ ቢያሢኮ ታ ካራሚ ማዕኔ። 20 ዓይሁዴ ዓሶ ታ ዳቂሻኒ ዓይሁዶ ዓሶና ዓይሁዴ ዓሲ ታ ማዕኔ፤ ዋዚ ሙሴ ዔርዜ ዋጎም ታ ዓይሢንቴዋያ ማዕቴያ ሙሴ ዔርዜ ዋጎም ዓይሢንታ ዓሶ ዳቂሻኒ ጌዒ ዔያቶጉዲ ታ ማዕኔ። 21 ዋዚ ታኣኒ ያኦሲ ዋጋገ ኬሰኪባኣያ ሃሢ ኪሪሰቶሴ ዋጎማኣ ዓይሢንታያታዖ ዋጋባኣ፣ ዓይሁዴቱዋ ዓሶ ዳቂሻኒ ዔያቶጉዲ ታ ማዕኔ። 22 ኪሪሰቶሴ ጉሙርቂፆና ላቤዘንሢ ዳቂሻኒ ታ ዔያቶጉዲ ማዕኔ፤ ዳንዳዒንቴ ጎይፆና ፔቴ ፔቴዘንሢ ዳቂሻኒ ቢያሢና ዋላ ቢያ ባአዚ ታ ማዕኔ።

23 ዬያ ታ ቢያ ማዳሢ ኮዦ ሃይሶኮ ዓንጀ ዴንቃኒ ኮዦ ሃይሶ ዛሎሮኬ። 24 ጳዦ ሄሌላሢዳ ቢያሢ ጳሽካዖ ዔያቶይዳገ ፔቴማ ሌሊ ቢሬሢ ዛሎ ዲንጎ ባኮ ዔካሢ ዲንሢ ዔሩዋዓዳ? ዬያሮ

9:11 9:11 ሮሜ 15:27። 9:13 9:13 ላሚ. ዋማ 18:1። 9:14 9:14 ማቴ. 10:10፤ ሉቃ. 10:7።

ዲንሢያ ባሺ ዔኮ ባኮ ዴንቃኒ ጳሽኩዋቲ። 25 ሄሌሎ ጳሽካ ዓሲ ጳዠኮ ቤርታ ሚርጌና ላቢ ጳሽኪ ጳሽኪ ዔራኔ፤ ዔያታ ዩያይዲ ላባሢ፡- ባይቃ ባአዚና ዳካ ዎዴሮ ማዓ ቦንቾ ባኮ ዔካኒከ፤ ኦኦኒ ጋዓንቴ ላቢንታሢ ባይቁዎያና ናንጊና ናንጋያ ማዔ። ቦንቾ ባኮ ዴንቃኒከ። 26 ታኦኒ ጋዓንቴ ሄሎንዶ ቤሲ ባአንቴ ጉሪ ጳሽካ ዓሲጉዲቱዋሴ፤ ሃሣ ዠባሬ ዲላ ዓሶጉዲ ጉሪ ታ ላባያቱዋሴ፤ 27 ዩያሮ ሜሌ ዓሶም ከኤዛያ ታኦሮ ታ ጉሪ ዓቲዋጉዲ ታ ዑፃ ፑርታ ባአዚ ማዳንዲያይዲፓ ዎልቄና ቃዚ ቃዚ ታኦም ዓይሢንታጉዲ ታ ማሃኔ።

10

ዒሰራዔኤሌ ዓሶ ሄሌ ሜታሢ ኮኦኪንሃ

1 ታ ዒሾንሃ! ታ ሚሾንሃ! ኦ ዓደንሢኮ ሻኦራ ዑፃ ሺቤም ዔያታ ዓኦጳሢና ዘቄ ባዘና ዔያታ ፒንቄሢ ታ ዲንሢም ጳቄሢኒ ኮዓኔ። 2 ዔያታ ሙሴና ዎላ ፔቲ ማዓኒ ዩያ ሻኦሮና ባዘ ዎኦያይዲ ማሰቲኔ። * 3 ዔያታ ቢያሢ ፔቲ ዓያና ሙኦዚ ሙዔኔ። 4 ቢያሢ ሃሣ ፔቲ ዓያና ዑሺ ዑሽከኔ፤ ዩይ ዔያታ ዑሽከሢ ዔያቶና ዎላ ዓኦጳ ዓያሮ ላላሢዳፓከ፤ ዩይ ላላሢ ፔ ቶኦኪና ኪሪሰቶሴከ። 5 ያዲ ማዔቲያ ያኦሲ ዔያቶኮ ሚርጌሢና ዎዛዲባኦሢሮ ሌዛ ዔያቶኮ ዓሲ ናንጉዎ ዳውሎይዲ ከኤሪንጉት ዓቲኔ። 6 ዔያታ ፑርታ ባአዚ ሱኦካጳሢጉዲ ኦኦኒያ ፑርታ ባአዚ ሱኦካጳሢዋጉዲ ዩይ ኦም «ዲንሢና ዔራዋቲ» ጋዓ ላቲሢ ኮኦኪንሢ ማዔኔ። 7 «ዓሳ ሙዒ፣ ዑሽካኒ ዳዔኔ፤ ኮርጋኒያ ዔቄኔ †» ጌይንጉ ፃኦፒንቴሢጉዲ ሃሣ ዔያታ ሜሌ ካኦሽኮ ባአዚ ካኦሽከ ጎይያ ዲንሢያ ዔያቶጉዲ ሜሌ ካኦሽኮ ባአዚ ካኦሽኪፖቲ። 8 ዔያቶይዲፓ ፔቲ ፔቲ ዓሳ ማቾ ሃሣ ዓኒ ማዒባኦያና ላሢ፣ ጎሜ ማጳሢጉዲ ኦኦኒያ ዓኒ ሃሣ ማቾ ማዒባኦያና ላሢባኦቲ ኮሺከ፤

10:1 10:1 ከሲ. ማፃ 13:21-22፤ 14:22-29። * 10:2 10:2 ሙሴና ዎላ ፔቲ ማዓኒ ማሰቲኔ፡- ጌይፃ ሙሴ ዔያቶ ዓውሴሢና ዔኪ ዓኦጳሢያ ማሢ ዔያቶኮ ጉሙርቄፃ ጳዎያከ። 10:3 10:3 ከሲ. ማፃ 16:35። 10:4 10:4 ከሲ. ማፃ 17:6፤ ፓይ. ማፃ 25:1-18። 10:5 10:5 ፓይ. ማፃ 14:29-30። 10:6 10:6 ፓይ. ማፃ 11:4። † 10:7 10:7 ኮርጋኒያ ዔቄኔ ጋዓዘ ጌሪኮ ሙኦጮ ማፃኦፓይዲ «ዓማላኒ ዔቄኔ» ጋዓኔ፤ ዩይ ዓይጎዳይ ጌዔቲ ዓሳ ሙይ ዑሽከሰካፓ ሜሌ ካኦሽ ካኦሽከሢና ማቾ ሃሣ ዓኒ ማዒባኦያና ላሢሢ ጳዎኔ። 10:7 10:7 ከሲ. ማፃ 32:6።

ዓይጎር ጌዔቴ ዔያታ ዬያ ማዳሚር ዔያቶይዳፓ ላማታሚ ሃይሠ ሺያ ዓሲ ፔቴ ኬሊና ሃይቄኔ። 9 ሃሣ ዔያቶኮ ፔቴ ፔቴ ዓሳ ጎዳ ቶ «ዒ ዎይታቴያ ኮ ዛጎም» ጌዒ ሾኦኩና ዳይንቲ ሃይቄሣጉዲ ኦኦኒያ ያዲ ማዲባኦቴ ኮሺኬ። 10 ዔያቶይዳፓ ፔቴ ፔቴ ዓሳ ደንኪ፣ ጉንዲሜም ያኦሲ ዳኬ ዎዳ ኪኢታጎቻሢ ዔያቶ ዎዲ ባይዜሣጉዲ ዒንሢያ ያዲ ማዲባኦቴ ቃራኬ።

11 ዬይ ቢያ ባካ ዔያቶ ሄሌሢ ኦም ኮኦኪንሢ ማዓንዳጉዲኬ፤ ሃሣ ፃኣፒንቴሢያ ዎደኮ ጋፒንያይዳ ዓኣ፣ ኦም «ዒንሢና ዔራዎቴ» ጋዓ ላቲሢሞኬ።

12 ዬያር «ጉሙርቂያና ታ ደዲ ዓኣኔ» ጋዓሢ ሎኦሙዎጉዲ ፔና ኮሺ ዔሮንጎ። 13 ዓሲ ሜሌይዳ ሄሊባኣ፣ ያኦሲ ዛጋኒ ዳካ ሜታ ዒንሢ ሄሊባኣሴ፤ ያኦሲ ጉሙርቂንታያታሢር ዒንሢ ዳንዳዓንዳሢኮ ዑሣ ዓኣዴ ዒንሢ ሜታዳንዳጉዲ ዒ ኮዑዎሴ፤ ዒንሢም ሜታሢ ዒንጊ ዒንሢ ዛጎ ዎደና ዳንዳዓንዳጉዲ ዎልቄ ዒንጊ፣ ዒንሢ ኬሰካንዳ ጎይሢያ ዒንሢም ዒ ጊኢጊሻኔ።

14 ዓካሪ ዒጊኖንሢዮቴ! ሜሌ ካኣሽኮ ባኮ ካኣሽኪፖቴ። 15 ዬያ ታ ዒንሢም ጋዓሢ ዒንሢ ዔራ ዓሲ ማዔሢርኬ፤ ሂንዳ ታ ኬኤዛ ባኮ ዒንሢ ዒንሢር ዎጉዎቴ። 16 ያኦሲ ሺኢቄ ኦኦኒ ዑሽካ ባካ ኪሪሰቶሴ ሱጉያና ፔቴሞ ዓኣያቴዎዓዳ? ሃሣ ኦኦኒ ዎላ ዔካ ካፃ ኪሪሰቶሴና ዎላ ፔቴቴዎዓዳ? 17 ኦ ሙዓሢ ፔቴ ካሣ ሌሊታሢር ዎዚ ኦ ሚርጌታቴያ ፔቴ ዑሢኬ።

18 ሂንዳ ዒሰራዔኤሌ ዳራ ማዴ ባኮ ማሉዎቴ፤ ያኦሲም ዒንጎና ባኮ ሙዓዛንሢና ሹጮና ኮሾና ዒንጎ ቤዘናኮ ፔቴሞ ባኣዓዳ?

19 ሂዳዎ ሜሌ ካኣሽኮ ባኮም ሹኪንቴ ቆልሞ ዓሽኮና ሃሣ ካኣሽኮ ባካኣ ዔኤቢኬ ታ ጋዓኔ ጌይሢዳ? 20 ያዲቴዎሴ፤ ያኦሲ ዔራዎ ዓሳ ቆልሞ ሹካሢ ያኦሲምቴዎንቴ ፑርቶ ዓያኖምኬ፤ ዬያር ዒንሢ ፑርቶ ዓያኖና ዎላ ፔቴ ማዓንዳጉዲ ታ ኮዑዎሴ። 21 ጎዳ ባኮ ዑሽኪ ዑሽኪ ሃሣ ፑርቶ ዓያኖ ባኮዎ ዒንሢ ዑሽካኒ ዳንዳዑዎሴ፤ ዬያጉዲ ሃሣ ጎዳ ባኮ ሙዒ ሙዒ ፑርቶ ዓያኖ ባኮዎ ዒንሢ ሙዒኒ ዳንዳዑዎሴ። 22 ዓካሪ ኦኦኒ ጎዳ ባኮ ሃሺያና ዒዛ ዳጋሶንዶ? ኦ ዒዛይዳፓ ባሽ ደዲኬ ጌይሢዳ?

10:8 10:8 ፓይ. ማፃ 25:1-18። ቶ **10:9** 10:9 ጎዳ፡ ጋዓዛ ፔቴ ፔቴ ማፃኣፓ «ኪሪሰቶሴ» ጋዓኔ። **10:9** 10:9 ፓይ. ማፃ 21:5-6። **10:10** 10:10 ፓይ. ማፃ 16:41-49። **10:16** 10:16 ማጉ. 26:26-28፤ ማር. 14:22-24፤ ሉቃ. 22:19-20። **10:18** 10:18 ሉዊ. ዓከ 7:6። **10:20** 10:20 ላሚ. ዎማ 32:17። **10:22** 10:22 ላሚ. ዎማ 32:21።

23 «ቢያ ባኣዚ ማዳንዳጉዲ ዓይሢንቴያኬ» ጋዓንቴ ቢያ ባኣ ማኣዳያቱቀሴ፤ «ቢያ ባኣ ማዳንዳጉዲ ዓይሢንቴያኬ» ጋዓንቴ ቢያ ባኣ ኮሻያቱቀሴ። 24 ፔቴ ፔቴሢ ሜሌሢሞ ማዓ ባኮቀ ማላንዳኣገዓቲም ፔኤም ማዓ ባኣዚ ሌሊ ዛጎገ።

25 ዒኔና ማሊ ሂርጉቀዎ፣ ቦኣካይዳ ሻንቲንጎታ ዓሽኮ ዚቲ ጋዓዩ ሙዑቀቲ፤ 26 ዓይጎር ጌዔቴ፡- «ሳዖና ጋርይዳ ዓኣ ባኣ ቢያ ጎዳሮኬ» ጌይንቴ ፆኣፒንቴኔ።

27 ኪሪሰቶሴ ጉሙርቁቀ ዓሲ ሙኡዚ ሙዖም ዒንሢ ዔኤሌያ ማዔም ዒንሢ ዓኣዳኒ ኮዔቴ ዒኔና ማሊ ሂርጉቀዎ ዚቲ ጌይ ዒንሢም ዒንጊንቴ ዓይጎ ሙኡዚታቲያ ቢያ ሙዑቀቲ። 28 ጋዓንቴ ፔቴ ዓሲ፡- «ሃይ ዓሽካ ሜሌ ካኣሽኮ ባኣዚም ሹኪንቴያኬ» ዒንሢም ጌዔቴ፣ ዩያ ኬኤዜ ዓሢንጎታ ዒኔ ቆዒ ማላ ማሊያጎታር ጌዒጋገ ዩያ ሙዒፖቴ። 29 ማሊያ ታ ጌዔሢ ዓሢ ማሊያር ጌይሢ ማዓንዳኣገዓቲም ዒንሢቲቀሴ፤ ዓካሪ ሜሌ ዓሲ ማሊሢ ዛላ ጌዒ ዎይቲ ታና ላኣጊንታይ? 30 ታኣኒ ያኦሲ ጋላቲ ጋላቲ ሙዔቴ ያኦሲ ታ ጋላቲ ሙዔ ባኮና ዎይቲ ታ «ዳቤኔ» ጌይንታይ?

31 ዓካሪ ሙዓቶዎ፣ ዑሽካቶዎ ዓይጎ ባኣዚያ ማዳቲ ቢያ ባኣዚ ያኦሲ ቦንቶም ማዳቀቲ። 32 ዓይሁዶ ዓሶም ማዔቴያ ዓይሁዶ ማዒባኣ፣ ጊሪኮ ዓሶም ሃሃ ኪሪሰቶሴ ጉሙርቃ ዓሶማኣ ዲቆ ማዒፖቴ። 33 ታኣኒ ቢያሢ ዳቃንዳጉዲ ሜሌ ዓሶም ኮይጎ ባኮ ማዓንዳኣገዓቲም ታኣም ኮይጎ ባኮ ኮውቀዎ ቢያ ዓሲ፣ ቢያ ባኣዚና ታ ዎዛሳሢጉዲ ዒንሢያ ዩያይዱቀቲ።

11

1 ታኣኒ ኪሪሰቶሴ ማዳ ጎይያ ማዳሢጉዲ ዒንሢያ ታ ማዳ ጎይያማ ማዳቀቲ።

ዳምቤና ያኦሲ ካኣሽኪሢ ዛላ

2 ታ ማዳ ባኮና ታ ዒንሢ ዔርዜ ባኮና ዶዲሺ ዓርቂ ዒንሢ ጳቁሃሢር ታ ዒንሢ ጋላታኔ። 3 ጋዓንቴ ዓቲንቁኮ ቢያ ዑፃ ቢታንቶ ዓኣሢ ኪሪሰቶሴ ማዔሢ፣ ላኣሊ ዑፃ ቢታንቶ ዓኣሢ ዓቲንቁ ማዔሢ፤ ሃሃ ኪሪሰቶሴ ዑፃይዳኣ ቢታንቶ ዓኣሢ ያኦሲ ማዔሢ ዒንሢ ዔራንዳጉዲ ታ ኮዓኔ። 4 ቶኦኪ ካንቁ ያኦሲ ሽኢቃያና ያኦሲ ማሊሢ ኬኤዛ ዓቲንቁ ቢያ ዒዛኮ ቶኦካሢ ማዔ ኪሪሰቶሴ ቦሂሳኔ፤ 5 ዩያጉዲ ቶኦኮ ፔኤኮ ያሹቀዎ

10:23 10:23 1ቆር. 6:12። 10:26 10:26 ዓይኦ. 24:1። 11:1 11:1 1ቆር. 4:16፤ ፒልጲ. 3:17።

ሺኢቃያ፡ ሃሣ ያኦሲ ማለሢ ከኤዛ ላኦሌላኦ ዲዞኮ ቶኦካሢ ማዔ ዓቲንቃሢ ሲሃሳኔ፤ ወይቲ ጌዔቲ ፔ ቶኦኮ ያሹዋ ላኦሌላ ጉኡሊንቲያጉዲ ማዓሢሮከ። 6 ላኦሊ ፔ ቶኦኮ ያሹዋያ ማዔቲ ቶኦኮ ፔኤኮ ታይዞንጎ፤ ጋዓንቲ ቶኦኮ ታይዚያንታ ጉኡሊያንታ ቦርሳያ ዒዞም ማዔቲ ቶኦኮ ያሹንጎ። 7 ዓቲንቁ ያኦሲ ማሎና ሃሣ ያኦሲ ቦንቾም ማዓያ ማዔሢሮ ፔኤኮ ቶኦኮ ካንቃንዲያ ኮይሱዋሴ፤ ላኦሊ ጋዓንቲ ዓቲንቁኮ ቦንቾ ማዓያከ። 8 ወይቲ ጌዔቲ ላኦሊ ዓቲንቁይዲፓ ማኸንቲያፓዓቲም ዓቲንቁ ላኦሊፓ ማኸንቲባኦሢሮከ። 9 ሃሣ ላኦሊ ዓቲንቁም ማኸንቲያፓዓቲም ዓቲንቁ ላኦሊም ማኸንቲባኦሴ። 10 ዬያ ዛሎንታሮ ሃሣ ያኦሲ ከኢታንቻኦ ዒዞ ዛጋሢሮ ጌዒ ላኦሊ ዓቲንቁ ቢታንቶ ዴማ ማዔሢ ዔርዛኒ ቶኦኮ ፔኤኮ ያሸንታንዲያ ኮይሳኔ። 11 ጎዳ ማሊያና ላኦሊ ዓቲንቁ ባኦያ፡ ዓቲንቁ ላኦሊ ባኦያ ማዕዋያከ። 12 ዓይጎሮ ጌዔቲ ላኦሊ ዓቲንቁይዲፓ ማኸንቲሢጉዲ ዓቲንቁያ ላኦሊዲፓ ሾይንታሢሮከ። ጋዓንቲ ዓቲንቁ ማዔቲያ ላኦሊ፡ ሃሣ ቢያ ባኦዚያ ጴዳሢ ያኦሲዲፓከ።

13 ሂንዳ ዒንሢሮ ዋጉዋቲ፤ ላኦሊ ፔኤኮ ቶኦኮ ያሹዋያ ያኦሲ ሸኢቁፃ ቃራዳ? 14 ዓቲንቁ ሃሣ ፔኤኮ ቶኦኮ ዲቼቲ ጊኢጉዋያታሢ ያኦሲ ቢያ ባኮ ናንጎም ጌዔ ጎይፃፓ ዒንሢም ዔርቱዋዓዳ? 15 ላኦሊ ጋዓንቲ ጋፓና ዒዞም ዒንጊንቲሢ ቶኦኮ ዒዞ ያሻንዳጉዲ ማዔሢሮ ጋፓና ፔኤኮ ዒዞ ዲቼቲ ዒዞም ቦንቾከ። 16 ዬያ ዛሎ ማርማኒ ኮዓ ዓሲ ዓኦቶ ኦኡኮ ማዔቲያ ሜሌ ከራሰቶሴ ጉሙርቃ ዓሶኮ ዬያይዶ ዳምቤ ባኦሴ።

ጎዳ ማዳ
(ማቲ. 26:26-29፤ ማር. 14:22-25፤ ሉቃ. 22:14-20)

17 ዒንሢ ቡኪንታኦና ዒንሢ ማዳ ባካ ባባይዛ ባኦዚ ማዓንዲፓዓቲም ዒንሢ ፓሣ ባኦዚ ማዓባኦሢሮ ታ ዒንሢም ሃሢ ዓይሣ ዓይሢያና ዒንሢ ጋላታኒቱዋሴ። 18 ቢያፓ ቤርታ ዒንሢ ፔቱም ቡኪንቶ ቡካኦና ባኦካ ዒንሢኮ ዲሙም ዓኦሢ ታ ዋይዜኔ፤ ታ ዋይዜ ባኮኮ ዛላ ጎኔ ማዓንዳኔ ታ ጋዓኔ። 19 ፒዜ ማዔዞንሢ ዋንሢ ማዔቲያ ዲማዲ ዔርታንዲጉዲ ዒንሢ ባኦካ ዲማዲፃ ማኸንታንዲሢ ኮይሳያከ። 20 ዒንሢ ቡኪንታፃ ሙዋ ሙዓ ጎዳ ማዳ ካሦቱዋሴ። 21 ወይቲ ጌዔቲ ዒንሢ ሙዓኦና ፔቲይ ባጋሢ ካፑዋዎ፡ ፔኤሮማ ሩኡሪ ሙዓኦ፤ ዬያይዲያና ፔቲይ ናይዲንታዛ

11:7 11:7 ማኸ. ማፃ 1:26-27። 11:9 11:9 ማኸ. ማፃ 2:18-23።

ባገህ ማህንታኔ። 22 ዔዛታ! ዒንህ ሙዓያናኣ ዑሽካ ማኣሪ ዒንህከ ባኣዓዳ? ሃንጎታቲ ዒንህ ኪሪሰቶሴ ጉሙርቃ ዓሶ ቦሃኔ ጌይሂዳ? ሃሃ ዓይጌያ ባኣ፣ ማታዳ ዓሶ ዒንህ ቦርሲሳኔ ጌይሂዳ? ዓካሪ ታ ዒንህ ዋዚ ጋዓንዳይ? ዬያ ባኮር ታ ዒንህ ጋላቶንድ? ፔቲታዖ ታ ዒንህ ጋላታዓኩ።

23 ታኣኒ ጎዳይዳፓ ዔሪ፣ ዒንህማኣ ታ ዔርዛህ ሃያኩ፤ ጎዳ ዬሱሴ ዓርቂንቲ ዒንጊንቲ ዋንቴሎ ካሃ ዔኩ፣ 24 ዖኦሲ ሸኢቆሰካፓ ቡንዖዖ፡- «[ሃቦቲ ሙዑዋቲ፤] ሃይ ዒንህ ዛሎ ዒንጊንታንዳህ፣ ታናኩ፤ ሃያና ታና ጳቂሃያ ማሁዋቲ» ጌዔኔ። 25 ዬያጉዲ ካሃኮ ጊንዖ ዑሽከ ባኮ ዔኩ፡- «ሃይ ዑዠ ታኣኮ ሱጉዖና ማዓ ዓኮ ጫኃህኩ፤ ዒንህ ዑሽካኣና ቢያ ሃያና ታና ጳቂሃያ ማሁዋቲ» ጌዔኔ።

26 ዬያር ሃያ ካዖ ዒንህ ሙዓኣና ዑዠዋ ዒንህ ዑሽካኣና ቢያ ጎዳ ሙካንዳያ ሄላንዳኣና ዒዛኮ ሃይቦ ዛሎ ዒንህ ኬኤዛንዳኔ።

27 ዖኦኒያ ዒዛም ኮይሱዋያ ጎይሂና ሃያ ካሃ ቦሂ ሙዒ፣ ዑዠዋ ዑሽኩቲ ጎዳና ሱጉዖናኮ ጋሌ ዓሲ ማዓንዳኔ። 28 ዬያር ዓይጎ ዓሲያ ማም ዬያ ካሃ ሙዒዖና ዑዠዋ ዑሽኩዖናኮ ቤርታ ፔና ዛጋንዳያ ኮይሳኔ። 29 ዓይጎ ዓሲያ ማም «ጎዳኩ» ጌዒ ሙዖ ካሃ ዓይጎታቲያ ዲማሲ ዔራዋ ጎዳ ማሊ ጳቂሶ ካዖ ሙዒ ዑዠዋ ዑሽኩቲ ፔ ቶኣካ ሜቶ ዔኩ ሙካኔ። 30 ዒንህ ባኣካፓ ማርጌሂ ላቢንቲህ፣ ሃርጌሂ ሃሃ ሃይቂህያ ዬያ ዛሎናኩ። 31 ዋንዴ ኑና ኑ ዛጊ ዔራዖታቲያ ደኒ ኑ ጊዳ ፑርታና ዋጊንቲንዳዋያታንቲኩ። 32 ጋዓንቲ ጊንዖፓ ዓጮና ዋላ ኑ ፑርታና ዋጊንቲዋጉዲ ጎዳ ሃሂ ኑ ዔርም ጌዒ ፑርታና ዋጋኔ።

33 ዬያር ታ ዒሸንሃ! ታ ማሸንሃ! ጎዳ ማዶ ሙዖ ሙዒኒ ዒንህ ቡካኣና ዋሊ ካፑዋቲ። 34 ዒንህ ቡኪንታኣና ዒንህ ፑርታና ዋጊሳ ባኣዚ ማዑዋጉዲ ዒንህ ባኣካ ናይዴ ዓሲ ዓኣቶ ፔኤኮ ማኣራ ሙዖንጎ። ዓቲ ባኮ ዒንህ ኮራ ታ ሙካዖ ማዶንድ ጎይዖ ኬኤዛንዳኔ።

12

ዓያና ጌኤሺ ዒንጋ ዒንጊሂ

1 ታ ዒሸንሃ! ታ ማሸንሃ! ሃሃ ዓያና ጌኤዠ ዒንጋ ዒንጊዖኮ ጎኑም ዒንህ ዔራንዳጉዲ ታ ኮዓኔ። 2 ቤርታ ዒንህ ዖኦሲ ዓሲ ማዒባኣ ዋደና ጌሰታኒ ዳንዳዑዋ ካኣሸኮ ባኮ ካኣሸካንዳጉዲ ሴካ ሃንጋ ዒሸንቲ ዒንህ ዔኩ ዓኣዲንቲሂ ዒንህ ዔራኔ። 3 ዖኦኒያ ዖኦሲ ዓያናና ኬኤዛዖ፡- «ዬሱሴ ጋዳንቂንቲያኩ!» ጋዓ ዓሲ ባኣኩ፤

11:25 11:25 ኬሲ. ማፃ 24:6-8፤ ዔር. 31:31-34።

ይያጉዲ ሃሣ ዓያና ጌኤሺና ማዒባኣያታዎ፡- «ዩሱሴ ጎዳኬ!» ጋዓ ዓሲ ባኣሢ ታ ዒንሢሞ ከኤዛኔ።

4 ዲማ ዲማ ዓያና ጌኤሺ ዒንጋ ዒንገሢ ዓኣኔ፤ ዓያና ጌኤሺ ጋዓንቴ ፔቴኬ። 5 ዲማ ዲማ ማዶ ዓኣኔ፤ ጎዳ ጋዓንቴ ፔቴኬ። 6 ዲማ ዲማ ማዶንታ ባኣዚ ዓኣኔ፤ ጋዓንቴ ቢያ ባኮ ቢያሢና ማዶሢ ፔቴ ያኦዛሢኬ። 7 ፔቴ ፔቴሢሞ ዓያኖ ጌኤዠ ፔጋሲ ደቀ ባኮ ደቀሢ ቢያሢ ማኣዳንዳጉዲኬ። 8 ፔቴሢሞ ጨንጨ ጌስታንዳጉዲ ዓያኖ ጌኤዠ ዛሎና ዒንገንታኔ፤ ባጋሢሞ ሃሣ ዩኖ ዓያኖ ዛሎና ዔራቶና ጌስታንዳጉዲ ዒንገንታኔ። 9 ፔቴሢሞ ሃሣ ዩኖ ዓያኖ ዛሎና ያኦሲ ጉሙርቁሢ ዒንገሢ ዒንገንታኔ፤ ባጋሢሞ ገንሣ ሃርጌጋ ዓሲ ፓሥሢ ዒንገሢ ዒንገንታኔ፤ 10 ዩያጉዲ ሃሣ ዓቴሢሞ ያኦሲ ዋልቁና ማዶንታ ዓኪ ባኣዚ ማዶንዳ ዋልቁ ዒንገንታኔ፤ ባጋሢሞ ገንሣ ያኦሲ ማላሢ ከኤዚሢ ዒንገሢ ዒንገንታኔ፤ ማላሢሞ ሃሣ ዒንገንታ ዒንገላ ዓያና ጌኤሺፓታቴያ ፑርታ ዓያናፓታቴያ ዲማሲ ዔራንዳ ዒንገሢ ዒንገንታኔ፤ ዩያጉዲ ፔቴሢሞ ዓኪ ሙኡቸና ጌስታንዳጉዲ ዒንገሢ ዒንገንታኔ፤ ማላሢሞ ገንሣ ዩያ ዓኮ ሙኡጮና ጌስቲንቴ ባኮ ቡላንዳ ዒንገሢ ዒንገንታኔ፤ 11 ዩይ ያዲ ማዔቴያ ዩያ ቢያ ማዶሢ ዩያ ፔቴ ዓያኖ ጌኤዠኬ፤ ዓያና ጌኤሺ ኮዔሢ ጎይፆ ፔቴ ፔቴሢሞ ዲማ ዲማ ዒንገሢ ዒንጋኔ።

ፔቴ ዑሢኮ ዲማ ዲማ ቤሲ

12 ፔቴ ዑሢኮ ዲማ ዲማ ቤሲ ዓኣኔ፤ ዑዎኮ ሚርጌ ቤሲ ዓኣያታቴያ ዩይ ሚርጌ ቤዛ ዩኖ ፔቴ ዑዎይዳኬ። ዩያጉዲ ኪሪሰቶሴ ሚርጌ ቤሲ ዓኣ ፔቴ ዑሢኮዲኬ። 13 ዋይቲ ጌዔቴ ዓይሁዳታቴያ ዓይሁዳ ማዒባኣ ገሪኬ ዓሳ፣ ዓይሌታቴያ ዓይሌ ማዒባኣ ዓሳ ፔቴ ዑሢ ማዒኣ ዓያኖ ጌኤዠና ኑ ማሰቴኔ፤ ሃሣ ቢያሢ ዩያ ፔቴ ዓያናሢ ኑ ዑሽካንዳጉዲ ኑም ዒንገንታኔ።

14 ፔቴ ዑሢ ማዠንቴሢ ሚርጌ ዲማ ዲማ ቤሲና ማዓንዳኣፓዓቴም ፔቴ ቤሲናቱዋሴ። 15 ዩያሮ ቶኪ፡- «ታኣኒ ኩቸቱዋኣሢሮ ዑሢኮ ፔቴ ቤሲቱዋሴ» ጌዔቴ ያዲ ጌይፆና ዑሢኮ ፔቴ ቤሲ ማዒፃ ዓታንዳ? 16 ዋይዚያ፡- «ታኣኒ ዓኣፒቱዋኣሢሮ ዑሢኮ ፔቴ ቤሲቱዋሴ» ጌዔቴ ዓካሪ ዩያ ጌይፆና ዑዎኮ ፔቴ ቤዞ ማዒፃ ዓታንዳ? 17 ሂንዳ ዑሢ ቢያ ዓኣፒ ሌሊ ማዔቴ ዔኤቢ ዋይዛ ባኣዚ ዓንካፓ ጴዳንዳያናንዳይ! ሃሣ ዑሢ ቢያ ዋይዚ ሌሊ ማዔቴ ዔኤቢ ዳሂ ዔራ ባኣዚ ዓንካፓ ጴዳንዳያናንዳይ! 18 ሃሢ ጋዓንቴ ያኦሲ ኮዔሢ ጎይፆ ዑዎኮ ፔቴ ፔቴ ቤዞ ዑዎይዳ ኮይሳ

12:11 12:11 ሮሜ 12:6-8። 12:12 12:12 ሮሜ 12:4-5።

ቤዛ ቤዛ ማዓንዳጉዲ ጌሄኔ። 19 ዑሢ ማዢንጉሢ ፔቴ ቤሲና ሌሊ ማዓቴ ኩሙሢ ዑሢ ጌይንታሢ ዓንካፓ ጴዳንዳያናንዳይ? 20 ዓካሪ ዑሢኮ ደማ ደማ ቤሲ ዓኣያ ማዓቴያ ዑሢ ፔቴ ሌሊኩ።

21 ዓኣፒ ኩቺ ኮራ፡- «ኔኤኒ ታኣም ኮይሱቀሴ» ጋዓኒ ዳንዳዑቀሴ፤ ቶኦኪያ ቶኪ ኮራ፡- «ኔ ታኣም ኮይሱቀሴ» ጋዓኒ ዳንዳዑቀሴ፤ 22 ጎኔና «ፓሡቀያኩ» ጌይንታ ቤዛታያ ሚርጌና ኦም ኮይሳያኩ። 23 «ዳካኩ» ኦ ጋዓ ኦ ዑያ ቤዛ ባሺ ኦ ቦንቻኔ፤ ሃሣ ኦና ቦርሲሳያ ማዓ ቤዛቀ ሚርጌና ኦ ሂርጊ ካፓኔ። 24 ቦንቹንታ ዑያም ጋዓንቴ ዬይ ቢያ ኮይሱቀሴ። ቦርሲሳያ ማዓ ጴዳ ቤዛ ባሺ ቦንቹንቴ ዓርቁንታንዳጉዲ ዑያኮ ፔቴ ቤሲ ማሂ ያኦሲ ማዢኔ። 25 ዬያ ዒ ማዳህ ፔቴ ዑያኮ ደማ ደማ ቤዛ ዳማዲቀዎ ቀለም ማላንዳጉዲ ጌይኩ። 26 ዑሢኮ ፔቴ ቤሲ ሜታዳኣና ዓቴ ዑያኮ ቤዛ ቢያ ቀላ ሜታዳኔ፤ ሃሣ ፔቴ ቤሲ ቦንቹንታኣና ቀላ ቢያሢ ቦንቹንታኔ።

27 ዬያጉዲ ዓካሪ ዒንሢ ኪሪሰቶሴ ዑያኩ፤ ዒንሢ፣ ፔቴ ፔቴሢ ዒዛ ዑያኮ ደማ ደማ ቤዛኩ። 28 ዬያሮ ያኦሲ ፔቴ ፔቴ ዓሶ ሺኢጲያ ማኣሮይዳ ደማ ደማ ማዳ ዓኣያ ማዓንዳጉዲ ማሄኔ፤ ዬያ ጎይያና ፔቴ ጋዓዎ ያኦሲ ማዳም ዳኪንቴዘንሢ፣ ላምዓሳዎ ያኦሲ ማላሢ ኬኤዛዘንሢ፣ ሃይሣሳዎ ዔርዛዘንሢ ማሂ ዓሶ ዶኦሬኔ። ዬያጉዲ ሃሣ ያኦሲ ቀልቁና ማዳንታ ዓኪ ባኣዚ ማዳዘንሢ፣ ሃርጌ ዓሶ ፖዒሳ ዒንጊሢ ዓኣዘንሢ፣ ዓሲ ማኣዲሢ ዒንጊሢ ዓኣዘንሢ፣ ዓሲ ቀይሥሢ ዒንጊሢ ዓኣዘንሢና ዓኪ ሙኡቺና ጌሰቲሢ ዒንጊሢ ዓኣዘንሢ ጌሄኔ። 29 ዬያሮ ቢያሢ ያኦሲ ማዳም ዳኪንቴያቱቀሴ፤ ቢያሢ ሃሣ ያኦሲ ማላሢ ኬኤዛያቱቀሴ፤ ቢያሢ ዓሲ ዔርዛያቱቀሴ፤ ቢያሢ ያኦሲ ቀልቁና ማዳንታ ዓኪ ባኣዚ ማዳያቱቀሴ፤ 30 ቢያሢኮ ሃርጌ ዓሲ ፓሣ ዒንጊሢ ዓኣያቱቀሴ፤ ቢያሢ ዓኪ ሙኡቺና ጌሰታኒ ዳንዳዑቀሴ፤ ቢያሢ ሃሣ ዓኮ ሙኡጮና ጌሰቶናሢ ቡላኒ ዳንዳዑቀሴ። 31 ጋዓንቴ ቢያሢፓ ባሺ ማዓ ዒንጊያ ዳንቃኒ ኮዑቀቴ።

ዓካሪ ታ ዒንሢ ቢያፓ ባሺ ማዓ ጎይሢ ዳቀንዳኔ።

13

ናሹቐ ዛላ

1 ዓሲ ጌሰታ ሙኡቺታቱያ ሃሣ ያኦሲ ኪኢታንቻ ጌሰታ ሙኡቺያ ጌሰቲታ ዔሬንጌቲ ናሹቐ ታኣኮ ባኣያታቲ ያኦላ ሉኡሊና ሂቾናጉዲ ታ

12:28 12:28 ዓፕ. 4:11።

ማዕኔ ገይህኩ። 2 የኦሲ ማለህ ኬኤዚህ ሲንገህ ታኦን ዓኣቶም ሃሃዳኢሽንቴ ባኣዚ ቢያ ታዕራያ ማዕኔያ፣ ዩያጉዲ ቢያ ባኣዚ ታዕራቴያ ሃሃዳኢ ፔቴ ቤሰካፓ ሺኢሻንዳ የኦሲ ጉሙርቁህ ታኦን ዓኣቴያ ናሹሞ ባኣያታቴ ዩይ ታኦን ጉሪኩ። 3 ታኦን ዓኣ ባኦ ቢያ ማንቆ ዓሰም ታሲንጋያ ማዕኔያ፣ ታዑያታያ ታሚዳ ሚጫንዳጉዲ ታማሃያ ማዕኔያ ናሹሞ ታኦን ባኣቴ ዓይጎሞ ታና ዩይ ማኣዳዓኩ።

4 ናሹሞ ገቢ ዳንዳዒሳያኩ፤ ሃሃዳኢ ኮሺ ባኣዚ ማዳሻኔ፣ ቁኢሪሱሞሴ፣ ሄርሺንቴሱሞሴ፣ የቶርሱሞሴ፤ 5 ኮይሱሞያ ባኣዚ ማዳሹሞሴ፣ ፔ ባኣዚ ሌሊ ኮይሱሱሞሴ፣ ዳጋሱሞሴ፣ ዳቦናቴያ ዳቢንቶ ዓርቁሱሞሴ። 6 ናሹሞ ዓኣ ዓሲ ጎኔ ማዕኔ ባኣዚና ሞዛዳኣፓዓቴም ፑርታ ባኣዚና ሞዛዳሞሴ፤ 7 ቢያ ባኣዚ ገቢ ዳንዳዒሳኔ፤ ቢያ ባኣዚና የኦሲ ጉሙርቁሳኔ፤ ቢያ ባኣዚዳ ሃገ ማዓንዳ ሞዛ ገህሳኔ፤ ቢያ ባኣዚያ ደዲ ዓኣህሳኔ።

8 ናሹሞ ዓኣ ዓሲ ቢያ ሞዴ ናናንጋኔ፣ ባይቁሞሴ፤ የኦሲ ማለህ ኬኤዚህ ሲንገህ ማዕኔያ ዳካ ሞዴሮ ማዕኔህሮ ባባይቃኔ፤ ዓከ ሙኡቸና ገሰተህ ማዕኔያ ዳካ ሞዴሮታህሮ ዓታኔ፤ ዕራቶ ማዕኔያ ባይቃኔ። 9 ሞይቴ ገዕቴ ኦኡኒ ዕራ ባኦ ማዕኔያ የኦሲ ማሊያ ኬኤዚህ ታቴያ ዛላ ኦ ዕራ ኬኤዚያ ማዕኔህሮኩ። 10 ጋዓንቴ ጉቤ ማዕኔ ባካ ሙካዛ ዛላ ማዕኔ ባካ ዓታንዳኔ።

11 ናይ ታዓኣ ሞዴና ናይጉዲ ታገሰታኔ፣ ማላኔ፤ ሃሃዳኢ ቢያ ባኦ ታዛጋኔ። ደዲ ዓሲ ታማዓያ ጋዓንቴ ናኣቴሞ ማሊያ ታሃሼኔ። 12 ሃህህ ኦኡኒ ለማሌኤሼና ዛጎህጉዲ ሌም ሌም ገዕ ባኣዚ ዛጋኔ፤ ዩናና ጋዓንቴ ኦ ገኤሺ ዛጋንዳኔ። ሃህህ ታዕራህ ዕቦኮ ዛላኩ፤ ዩናና ጋዓንቴ የኦሲ ታና ዕራ ጎይያጉዴያ ኩሙህ ዕራቶ ዓኣያ ታማዓንዳኔ።

13 ዓካሪ ጉሙርቁህና ሃገ ማዓንዳ ሞዛና ናሹሞና፣ ዩንህሃ ሃይሃንህህ ባይቁሞያ ማዕኔ ናንጋንዳኔ፤ ዩንህሃ ባኦይዳፓ ባሽዛ ናሹሞኩ።

14

የኦሲ ማለህ ኬኤዚህና ዓከ ሙኡቸ ገሰተህና ዛላ

1 ናሹሞ ዓይህ ጎይያማ ማዳሞቴ፤ ሃሃዳኢ ዓያኖ ገኤኦ ሲንገህ ባሽና የኦሲ ማለህ ኬኤዚህ ሚርገና ኮዑሞቴ። 2 ዓከ ሙኡቸና ኬኤዚህ የኦሲም ኬኤዛኔ፣ ዓሲም ኬኤዙሞሴ፤ ሞይቴ ገዕቴ ዓኣሺንቴ ባኣዚ ዓያና ገኤሺ ሞልቁና ኬኤዛያ ማዕኔህሮ ዒ ኬኤዛ

13:2 13:2 ማቴ. 17:20፤ 21:21፤ ማር. 11:23።

ባኮ ዔራ ዓሲ ባኣሴ። 3 ያኦሲ ማለሢ ከኤዛሢ ጋዓንቴ ዓሶ ኮሻኒና ዘራኒ ሃሣ ደዲሻኒ ዓሲም ከኤዛኔ። 4 ዓኪ ሙኡቸና ጌሰታሢ ፔና ሌሊ ኮሻኔ፤ ያኦሲ ማለሢ ከኤዛሢ ጋዓንቴ ኪሪሰቶሴ ጉሙርቃ ዓሶ ቢያ ደዲሺ ማኸኔ።

5 ዒንሢ ቢያሢ ዓኪ ሙኡቸና ጌሰታቴ ቃራታንቴ፤ ባሺ ታናሽካሢ ያኦሲ ማለሢ ዒንሢ ከኤዛቶከ፤ ዓይጎሮ ጌዔቴ ኪሪሰቶሴ ጉሙርቃ ዓሶ ቢያ ደዲሺ ማኸንታንዳጉዲ ዓኮ ሙኡጮና ጌሰቲንቴሢ ቡላይ ባኣያ ማዔቴ ዓኪ ሙኡቸና ጌሰታ ዓሲዳፓ ያኦሲ ማለሢ ከኤዛሢ ባሺከ። 6 ዓካሪ ታ ዒሾንሦ! ታ ሚሾንሦ! ታ ዒንሢ ኮራ ሙካዓ ዓኪ ሙኡቸና ጌሰቴቴ ዓይጎ ዒንሢ ታ ማኣዳንዳይ? ዬያይዳፓ ዒንሢ ማኣዳንዳሢ ያኦሲኮ ዓኣሽንቴ ባኮ ፔጋሲ ከኤዜቴ፤ ዔራቶና ጌሰቴቴ፤ ያኦሲ ማለሢ ከኤዜቴ፤ ሃሣ ዒንሢ ዔርዘንዶ ባኣዚ ዔርዜቴከ።

7 ሹሉንጎና ጎኦላናጉዳ፤ ሺምፓባኣ ኮፃም ማዓ ባኮኮታዓ ዲማ ዲማ ዋርቁንታ ዑኡሲ ባኣያ ማዔቴ ዔያታ ያኦላዛ ዓይጎ ማዔቴያ ዋዲ ዔርታኒ ዳንዳዓይ? 8 ያልዘም ዋርቁንታ ዛያሢ ዔርቱዋ ጎይሢ ዋርቁንቴቴ ያልዘም ያኦኒ ገኢንታንዳይ? 9 ዬያጉዲ ዒንሢ ዔርታ ሙኡቸና ከኤዚባኣቶ ዒንሢ ከኤዛ ባኮ ያኦኒ ዔራኒ ዳንዳዓንዳይ? ዠባሪይዳ፤ ጉሪ ዒንሢ ከኤዛያ ማዓንዳኔ። 10 ዓጮይዳ ቢያ ሚርጌ ሙኡቸ ዓኣኔ፤ ጋዓንቴ ቢያሢኮ ፔ ጌሰታ ጎይሢ ዓኣያከ። 11 ዓካሪ ጌሰቲንቴ ሙኡጮ ዋዚ ጋዓቴያ ታ ዔራዋያ ማዔቴ ዬያ ዓሢም ታ ዓኪ ማዓንዳኔ፤ ዒዚያ ታኣም ዓኪ ማዓኔ። 12 ዒንሢያ ዓያኖ ጌኤኮኮ ዒንጊያ ሚርጌና ኮዓሢሮ ባሺ ዒንሢ ኮዓንዳያ ኮይሳሢ ኪሪሰቶሴ ጉሙርቃ ዓሶ ደዲሺ ማኸ ዒንጊፃ ዒንሢም ሚርጋንዳጉዲከ።

13 ዬያሮ ዓኪ ሙኡቸና ጌሰታ ዓሲ ጌሰቲንቴ ባኮ ቡሊ ከኤዛኒ ዳንዳዒሢ ዒዛኮ ዓኣያ ማዓንዳጉዲ ሺኢቆንጎ። 14 ዓኪ ሙኡቸና ታ ሺኢቃ ዋደና ዓያና ታኣኮ ሺኢቃኔ፤ ታኣኒ ጋዓንቴ ዔራ ባኣዚ ባኣያ ማዒ ዓታኔ። 15 ዬያሮ ታ ዋዳንዳያ ኮይሳይ ጌዔቴ ዓያናና ታ ሺኢቃንዳኔ፤ ሃሣ ጊንሣ ታ ዒኖናኣ ሺኢቃንዳኔ፤ ዓያናኣ ታ ያኦሲም ዓይናዳንዳኔ፤ ታ ዒኖናኣ ያኦሲም ታ ዓይናዳንዳኔ። 16 ያዲ ማዒባኣያታቴ ኔኤኒ ዓያኖና ሌሊ ያኦሲ ጋላታኣና ኔ ጋዓ ባኮ ዔራዋ ዓኪ ዓሲ «ዓኣሜን» ዋዲ ጋዓንዳይ? 17 ኔኤኒ ሺኢቃ ጋላቶ ሺኢጲፃ ሚርጌና ቃራ ማዓኒ ዳንዳዓኔ፤ ጋዓንቴ ሜሌ ዓሲ ዬይ ደዲሺ ማኸዋያ ማዓኔ።

18 ታኣኒ ዒንሢ ቢያሢዳፓ ባሺ ዓኪ ሙኡቸና ጌሰታሢሮ ያኦሲ ታ ጋላታኔ። 19 ጋዓንቴ ዓኪ ሙኡቸና ሜሌ ዓሶ ዔርዛኒ ሚርጌ ሺያና

ፓይዲንታ ባኣዚ ኬኤዚሢዳፓ ኪሪሰቶሴ ጉሙርቃ ዓሶ ባኣካ ደንጎ ባኣዚ ዔርታ ሙኡቺና ታ ዒናፓ ማሊ ታ ኬኤዜቲ ባሼኬ።

20 ታ ዒሾንሦ! ታ ሚሾንሦ! ፑርታ ባኣዚ ማዲሢሞ ናይ ማዑቀቲ፣ ዒንሢ ማላ ማሊ፣ ያና ናይ ማዒፖ፣ ማላ ማሊ፣ ያና ጋዓንቲ ዒና፣ ደዲ ዓሲ ማዑቀቲ። 21 ዬይያ፡-

« ሳኪ ሙኡቺ ጌሰታ ዓሶ ዛሎና
 ሃሣ ማሌ ዓሲ ሙኡቺና ሃያ ዴሮም ታ ኬኤዛንዳኔ፤
 ያዲ ማዔቲያ ዔያታ ታኣሲ ዋይዚንዲዋሴ ጎዳ ጋዓኔ»
 ጌይንቲ ፃኣፒንቲ።

22 ዬይያ ዓኪ ሙኡቺና ጌሰቲሢ ማላታ ማዓሢ ኪሪሰቶሴ ጉሙርቁዋ ዓሶምኬ፣ ኪሪሰቶሴ ጉሙርቃ ዓሶምቱዋሴ፤ ያኦሲ ማሊሢ ኬኤዚሢ ጋዓንቲ ማላታ ማዓሢ ኪሪሰቶሴ ጉሙርቃ ዓሶምኬ፣ ጉሙርቁዋ ዓሶምቱዋሴ።

23 ዓካሪ ኪሪሰቶሴ ጉሙርቃ ዓሶ ቡኪንቲ ዋዶና ቢያሢ ዓኪ ሙኡቺና ጌሰታንቲ ዬይ ባካ ዔርቲዋያ ሃሣ ኪሪሰቶሴ ጉሙርቁዋ ዓሲ ሙኪ ዬያ ጌሰታ ዓሶ ዛጋያ፡- «ሃይ ዓሳ ዣኣሽካኔ!» ጋኣዓዳ? 24 ጋዓንቲ ቢያሢ ያኦሲ ማሊሢ ኬኤዛያ ማዔም ዬያ ባኮ ዔራዋያ ሃሣ ኪሪሰቶሴ ጉሙርቁዋ ዓሲ ሙኬቲ ኬኤዚንታ ባኮ ቢያ ዋይዛያ ዬያና ጫታንዳኔ፤ ዳቢንቶ ፔኤሲያ ዴንቂ ዔራንዳኔ። 25 ሃሣ ዒናኣ ዒዛኮ ዓኣሺንቲ ባኣኣ ፔጋዲንዳኔ፤ ጊንሣ ሃሣ ዒ ባሊቶና ሳዓ ሎላሚ፡- «ጎኔና ያኦሲ ዒንሢ ባኣኣኬ!» ጌዒ ያኦሲ ካኣሽካንዳኔ።

ዳምቤና ያኦሲ ካኣሽኪሢ ዛላ

26 ታ ዒሾንሦ! ታ ሚሾንሦ! ዓካሪ ታ ሂዚ ጋዓኔ፡- ያኦሲ ካኣሽካኒ ዒንሢ ቡኪንታኣና ዒንሢዳፓ ፔቲ ፔቲሢኮ ያኦሲም ዓይናዲሢ ዒንጊሢ ዓኣኔ፣ ባጋሢኮ ዔርዚሢ ዒንጊሢ ዓኣኔ፣ ዓቲሢኮ ሃሣ ዓኣሺንቲ ባኮ ፔጋሲ ዔርዚሢ ዒንጊሢ ዓኣኔ፣ ማሌሢኮ ጊንሣ ዓኪ ሙኡቺና ጌሰታንዳ ዒንጊሢ ዓኣኔ፣ ባጋሢም ዬያ ዓኮ ሙኡጮና ጌሰቲንቲሢ ቡላንዳ ዒንጊሢ ዒንጊንቲያ ዓኣኔ። ዓካሪ ዬይ ቢያ ዒንጊያ ኪሪሰቶሴ ጉሙርቃ ዓሶ ደዲሺ ማዣያ ማዓኒ ኮይሳኔ። 27 ዓኪ ሙኡቺና ጌሰታይ ዓኣቶ ላምዖ፣ ሚርጌቲ ሃይሦ ማዒ ፔቲ ፔቲ ኬኤዛንጎ፤ ዔያታ ኬኤዛሢ ማሌ ዓሲ ቡሎንጎ። 28 ጌይንቲ ባኮ ቡሊ ኬኤዛ ዓሲ ባኣያታቲ ጋዓንቲ ዓኮ ሙኡጮና ጌሰታ ዓሳ፣ ዓሶ ባኣኣ ዚቲ ጌዒ፣ ጋርሲና ፔኤና ያኦሲናም ኬኤዛንጎ። 29 ያኦሲ ማሊያ ኬኤዛዘንሢ ላምዖ ሃንጎ ሃይሦ ማዒ ኬኤዛንጎ፤ ሃንጎዋታ ጋዓንቲ ኬኤዚንቲ ባኮ ዋይዚ ኮሺ ዲማሲ ዔሮንጎ። 30 ዒማና

14:21 14:21 ዓ.ሲ. 28:11-12።

ቡኪንቴ ቤዛ ዴዔ ዓሰይዳፓ ፔቴ ዓሲም ያኦሲ ኬኤዜቶ ቤርታ ኬኤዛሢ ዘቲ ጎዖንጎ። 31 ፔቴ ፔቴሢ ዔራንዳጉዲና ደዳንዳጉዲ ዒንሢ ሲያሢ ፔቴ ፔቴ ዔቂ ዔቂ ያኦሲ ኪኢቶ ኬኤዛኒ ዳንዳዓ። 32 ያኦሲ ማሊያ ኬኤዛ ዓሰኮ ዒያና ያኦሲ ማሊያ ኬኤዛ ዓሰም ዓዓይሢጎታ። 33 ጌሰቶ ጌኤዘኮ ዛሊ ኑ ቤሲ ባይዛንዳጉዲ ያኦሲ ኮዑዋሴ፤ ጋዓንቴ ቢያ ባካ ኮሹዋና ማዓንዳጉዲ ኮዓ።

ያኦሲ ዴር ባኣካ ቢያ ማዲንታሢጉዲ፡- 34 ላኣላ ቡኪንቴ ዓሰ ባኣካ ዘቲ ጎዖንጎ፤ ዓይጎር ጌዔቴ ሙሴ ዔርዜ ዋጋ ዓይሢ ጎይዖ ዔያታ ዓዓይሢጎታንዳፓ ዓቴም ኬኤዛንዳጉዲ ዔያቶም ዓይሢጎቲባኣሴ። 35 ዔያታ ፔቴ ፔቴ ባኣዚ ዔራን ኮዔቴ ፔኤኮ ዓኒንሢ ማኣራ ዴንዳዖ ያኦጮንጎ፤ ዓይጎር ጌዔቴ ዓሳ ቡኪንቴ ቤዛ ላኣላ ኬኤዛኒ ገኢጉዋያ፣ ቦርሲሳያታሢርኬ።

36 ያኦሲ ቃኣላ ኬሰከሢሢ ዒንሢ ኮራፓደ? ሃሃ ያኦሲ ቃኣላ ሄሌሢያ ዒንሢም ሌሊደ? 37 «ታኣኒ ያኦሲ ማሊሢ ኬኤዛያኬ፤ ሃሃ ታኣም ዓያና ዒንጌ ዒንገሢ ዓኣኔ» ጋዓ ዓሲ ዓኣቶ ሃይ ታ ዒንሢም ፃኣፓሢ ጎዳ ዓይሥሢ ማዔሢ ዔርጎጎ። 38 ዴያ ዔራን ኮዑዋ ዓሲ ዓኣቶ ዒዚያ ዔርቶፓ።

39 ዴያር ታ ዒሾንሃ! ታ ሚሾንሃ! ያኦሲ ማሊሢ ኬኤዛኒ ሚርጌና ኮዑዋቴ፤ ዓኪ ሙኡቸና ጌሰቲያዋ ላኣገፖቴ፤ 40 ጋዓንቴ ቢያ ባካ ኮይሳ ጎይሢና ሃሃ ዳምቤና ማዖንጎ።

15

ኪሪሰቶሴኮ ሃይባፓ ዔቂዖ

1 ታ ዒሾንሃ! ታ ሚሾንሃ! ታ ዒንሢም ኬኤዜ ኮዡ ሃይሶ ቃኣሎ ሃሃ ገንሢ ታ ዒንሢም ጸቂሢ ኮዓ፤ ዴይ ኮዡ ሃይሶ ቃኣላ ዒንሢ ዋይዚ ዔኬሢና ዴያና ደዲ ዒንሢ ዔቂ ዓኣሢኬ። 2 ታኣኒ ዒንሢም ኬኤዜ ኮዡ ሃይሶ ቃኣሎ ደዲሺ ዒንሢ ዓርቂቴ ዴያ ኮዡ ሃይሶ ቃኣሎና ዒንሢ ዳቃንዳ፤ ያዲ ማዒባኣያታቴ ዒንሢኮ ዴይ ጉሙርቂፃ ጉሪኬ።

3 ታኣኒ ዋይዚ ዔኬሢና ቢያፓ ቤርታ ኮይሳያ ማዔ ባኮ ዒንሢም ታ ዔኪ ሄሊሴ፤ ዒንሢም ታ ሄሊሴ ባካ፡- ጌኤዡ ማፃኣፓራዳ ፃኣፒጎቴሢ ጎይዖ ኪሪሰቶሴ ኑኡኮ ጎሞ ዛሎር ሃይቂ፤ 4 ዲኡቴ፤ ሃይሣሳ ኬሎና ሃይባፓ ዔቂ፤ ጋዓያኬ። 5 ዴኣፓ ኬፓም፣ ሄሊሳዖ ታጾ ላምዖ ዳኪንቴዘንሢም፣ 6 ሃሃ ገንሢ ደንጎ ጻኤታፓ ዑሢ

15:4 15:4 ዓይኑ. 16:8-10፤ ማተ. 12:40፤ ዳኪ. ማዳ 2:24-32። 15:5 15:5 ማተ. 28:16-17፤ ማር. 16:14፤ ሉቃ. 24:34፤36፤ ጥሃ. 20:19።

ማዓ ዒዛኮ ጊንጾ ሃንታዞንሢም ፔቴና ጴዳኔ፤ ዬያቶይዳፓ ባሽሢ ሸምፔና ዓኣኔ፤ ፔቴ ፔቴዞንሢ ጋዓንቴ ሃይቄኔ። 7 ዩካፓ ሃሣ ያይቆኦም፣ ሄሊሳጾ ያኦሲ ማዶም ዳኪንቴዞንሢም ቢያ ጴዳኔ፤ 8 ቢያሢኮ ጋፒንጾይዳ ዳውቴ ከሊዳ ሸይንቴያጉዲ ማዔሢ፣ ታኣም ጴዳኔ።

9 ታኣኒ ያኦሲ ማዶም ዳኪንቴዞንሢዳፓ ቢያ ላኣፓ፣ ያኦሲ ማዶም ዳኪንቴሢ ጌይንቴ ዔኤሊንታኒያ ታኣም ኮይሱዋያኬ፤ ዓይጎር ጌዔቴ ታኣኒ ኪሪሰቶሴ ጉሙርቃ ዓሶ ዒዒ ዳውሴያታሢ።

10 ጋዓንቴ ያኦሲኮ ኮሹማፓ ዔቄያና ታ ሃሢ ዓኣ ጎይጾ ዓኣያ ማዔኔ፤ ያኦሲ ፔ ኮሹሞና ታኣም ዒንጌ ባካ ጉሪ ዓቲባኣሴ፤ ዑሣ ዓኣዳ፣ ሃንጎዋቶይዳፓ ባሽ ደዲ ታ ማዳኔ፤ ጋዓንቴ ዬያ ማዳሢ ያኦሲ ታኣም ኮሹሞና ዒንጌ ዒንጊጾ ማዓንዳኣፓዓቴም ታናቱዋሴ። 11 ዓካሪ ታናንታ ዔያቶንታ ኑኡኒ ከኤዛሢ ዬያኬ፤ ዒንሢያ ጉሙርቄሢ ዬያኬ።

ሃይቄ ዓሲኮ ዔቄሢ ዛላ

12 ኪሪሰቶሴ ሃይባፓ ዔቄሢ ከኤዚንታያ ማዔቴ ዒንሢዳፓ ፔቴ ፔቴ ዓሳ፡- «ሃይቄ ዓሲ ዔቄዋሴ» ዋይቲ ጋዓይ? 13 ሃይቢዳፓ ዓሲ ዔቄዋያ ማዔቴ ኪሪሰቶሴያ ሃይባፓ ዔቄባኣሴ ጌይሢዳ! 14 ኪሪሰቶሴ ሃይባፓ ዔቄባኣያ ማዔቴ ኑ ከኤዛ ባኮንታ ዒንሢ ጉሙርቃ ባካኣ ጉሪኬ ጌይሢዳ! 15 ሃሣ «ያኦሲ ኪሪሰቶሴ ሃይባፓ ዔቄሴኔ» ጌይ ኑ ከኤዚያና ሉኡዙሞና ኑ ያኦሲም ማርካዳኔ ጌይሢዳ! ዓካሪ ሃይቄ ዓሳ ሃይባፓ ዔቄዋያ ማዔቴ ያኦሲ ኪሪሰቶሴያ ሃይባፓ ዔቄሲባኣሴ ጌይሢኬ። 16 ሃይቄ ዓሳ ሃይባፓ ዔቄዋቴ፣ ኪሪሰቶሴያ ሃይባፓ ዔቄባኣያኬ ጌይሢኬ። 17 ኪሪሰቶሴ ሃይባፓ ዔቄባኣያ ማዔቴ ዒንሢኮ ጉሙርቄጾ ጉሪኬ ጌይሢኬ! ሃሢ ሄላንዳኣና ዒንሢ ጎሜ ዋልቄኮ ዳማኬ ጌይሢኬ። 18 ኪሪሰቶሴ ጉሙርቄጾ ሃይቄ ዓሳኣ ማይ ጋፔኔ ጌይሢኬ። 19 ኪሪሰቶሴይዳ ሃጊ ማዓንዳ ዋዛ ኑ ጌሣሢ ሃያ ዓጮናንጎር ሌሊ ማዔቴ ዓሲ ቢያይዳፓ ባሽ ዓሲኮ ዋልቃ ጌላያ፣ ኑ ላኣፓ ዓሲኬ።

20 ጋዓንቴ ኪሪሰቶሴ ሃይቄ ዓሳ ዔቃንዳሢ ዔርዛያ ማዔ፣ ጎኔ ሃይባፓ ዔቄኔ። 21 ሃይቢ ሙኬሢ ፔቴ ዓሢ ዛሎና ማዔሢጉዲ ሃይቢፓ ዔቄሢ ሙኬሢያ ፔቴ ዓሲ ዛላናኬ። 22 ዓዳኣሜ ዛሎና ዓሲ ቢያ ሃይቃሢጉዲ፣ ዓሲ ቢያ ኪሪሰቶሴ ዛሎና ሸምፔ ዳንቃንዳኔ። 23 ጋዓንቴ ፔቴ ፔቴሢም ዬይ ማዓንዳሢ ፔ ዋዳና ዋዳናኬ፤ ኪሪሰቶሴ ሃይቢፓ ዔቄሢኮ ቶይዳሢ ማዔኔ፤ ጊንጾፓ

15:8 15:8 ዳኪ. ማዶ 9:3-6:: 15:9 15:9 ዳኪ. ማዶ 8:3::

ዲዚ ሙካእና ዲዛር ማዕዘንሢያ ሃይባፓ ዔቃንዳኔ። 24 ዩካፓ ዓካሪ ዲዚ ፑርቶ ዓያና ወይሣ ወይሢያና ቢታንቶና ሃሣ ወልቆዎ ቢያ ባይዚ። ካእቱዋዎ ያኦሲ ዓደም ማሄ ወደና ዓጮኮ ጋፒንዖ ማዓንዳኔ። 25 ዬያሮ ያኦሲ ዲዛኮ ሞርኮ ቢያ ዲዛ ባሺሳንዳያ ሄላንዳእና ዲ ካእታዳኒ ኮይሳኔ። 26 ጋፒንዖይዳ ባሺንታንዳ፣ ሞርካሢ ሃይቢኬ፤ 27 ዓይጎሮ ጌዔቴ፡- «ያኦሲ ቢያ ባእዚ ዲ ባሺ ወይሣንዳጉዲ ማሄኔ» ጌይንቲ ያኦፒንቲሢሮኬ። ጋዓንቴ፡- «ቢያ ባእዚ ዲ ባሺ፣ ወይሣንዳጉዲ ማሄኔ» ጋዓዛ፣ ቢያ ባእዚ ዲ ባሺ ወይሣንዳጉዲ ዲዛ ደማ ማሄ፣ ያኦሲ፣ ዓዳሢያ ዲ ወይሣንዳኔ ጌይሢቱዋሴ። 28 ቢያ ባካ ኪሪሰቶሴ ቢታንቶ ደማ ማዕሢኮ ጊንዖ ያኦሲ፣ ዓዳሢ ቢያ ባኮ ወይሣንዳጉዲ ናዓሢ ፔኤሮ ቢያ ባኮ ዲዛ ቢታንቶ ደማ ማሄ ያኦሲ፣ ዓዳሢ ቢታንቶ ደማ ማዓንዳኔ።

29 ዓካሪ ሃይቁ ዓሳ ዔቁዋያ ማዔቴ ዓሳ ሃይቁ ዓሳ ዘሎ ዋኦዎ ማሰታሢ ዓይጎ ማእዳንዳይ? ሃይቁ ዓሳ ማሊ ዔቁዋያ ማዔቴ ዓሳ ዔያቶ ዘሎ ጌዒ ዓይጋ ማሰታይ? 30 ኑኤኒ ቢያ ዎይ ሜታዲ ናንጋሢ ዓይገንዴርዳይ? 31 ታ ዒሾንሣ! ታ ሚሾንሣ! ቢያ ኬሊ ታ ሃይቁዎ ዓቲ ዓቲ ናንጋኔ፣ ዬይ ጎኔኬ፤ ዬያጉዲ ኑ ጎዳሢ ዬሱሰ ኪሪሰቶሴና ዒንሢኮ ባኦ ፔቱማኦ ጎኔኬ፤ ዬያ ታ ጫርቁ ጋዓኔ። 32 ታኦኒ ዔፕሶኔይዳ ቦዖጉዴ ዓሶና ያልቲሢ ዓሲ ማሊሢሮ ሌሊ ማዔቴ ዓይጎ ታ ዴንቃንዳይ? ሃይቁ ዓሳ ዔቁዋያ ማዔቴ፡- «ዘር ኑ ሃይቃንዳሢሮ

ኑ ሙዖም፣ ዑሽኮም» ጋዓ ዓሶጉዲ ኑ ማዒባይ!

33 ዳቢንቲፖቴ፤ «ፑርታ ላጌ ዓሲ ፑፑርቲሳኔ።» 34 ፒዜ ማሊሢ ማሉዋቴ፤ ጎሜ ማዲፖቴ፤ ዒንሢ ባኦካ ያኦሲ ዔሩዋ፣ ፔቴ ፔቴ ዓሲ ዓኦኔ፤ ዬያ ታ ጋዓሢ ቦርሶ ዒንሢም ማዖንጎ ጌይኬ።

ሃይባፓ ዔቃ ዑዖ

35 «ሃይቁ ዓሲ ወይቲ ዔቃይ? ሃይባፓ ዔያታ ዎዘጉዴ ዑሢና ዔቃይ?» ጌዒ ያኦጫ ዓሲ ናንዳኔ። 36 ዬይ ዓይጎ ዔኤዩዋዳይ! ኔኤኒ ዜርቃ ዜርዓ ጎዖይዳ ዎዒባኦቴ ባቃላኒ ዳንዳዑዋሴ፤ 37 ኔኤኒ ዜርቃኦና ዛርጌታቴያ ሜሌ ሜይኮ ዓኦፖማ ኔ ሌሊ ዜርቃኦፓዓቴም ባቃሊ ኬሰካ ባኮ ቢያቱዋሴ። 38 ያኦሲ ጋዓንቴ ዜርዳሎም ኮዔሢጉዴያ ዑሢ ዒንጋኔ፤ ፔቴ ፔቴ ዜርዖም ቢያ ደማ ደማ ዑሢ ዒንጋኔ።

39 ዓሽኪ ቢያ ዎሊ ማላያቱዋሴ፤ ዓሲ ዓሽኪ ዎሊ ማላያኬ፤ ቆልሞ ዓሽኪ፣ ካፒ ዓሽኪ፣ ሞሎ ዓሽኪ ደማ ደማኬ።

15:25 15:25 ዓይኑ 110:1። 15:27 15:27 ዓይኑ 8:6። 15:32 15:32 ዓሲ 22:13።

40 ዬያጉዲ ጫሪንቺዳ ዓኣ ማዢንቲ ዓኣኔ፤ ሳዖይዳ ዓኣ ማዢንቲ ዓኣኔ፤ ጋዓንቴ ጫሪንጫ ዓኣ ማዢንቶኮ ቦንቻ ዋሊ ማላያኬ፤ ሳዖይዳ ዓኣ ማዢንቶኮ ቦንቻ ዲማኬ። 41 ዓቢ ማላ ፔቴኬ፤ ዓገሊ ማላ ዲማኬ፤ ሃሣ ዠኦጋሢኮዎ ማላሢ ዲማ ዲማኬ፤ ዋይቲ ጌዔቴ ፔቴ ዠኦጋኮ ማላሢ ሜሌ ዠኦጋይዳፓ ዲማታሢሮኬ።

42 ሃይቢፓ ዔቃ ዓሳ ያዲ ማዓንዳኔ፤ ሃይቁ ዋዓ ዑሢ ማኣዒ ዲኡቲሢ ዋዑዋያና ናንገና ናንጋ ዑሢ ማኣዒ ዔቃንዳኔ፤ 43 ሚዛጶዎ ማዒ ዲኡቲሢ ሚዛጶ ዔቃንዳኔ፤ ለቤያ ማዒ ዲኡቲሢ ዋልቁና ዓኣያ ማዒ ዔቃንዳኔ፤ 44 ዓቢ ዑሢና ዓኣያ ማዒ ዲኡቲሢ ዓያና ዑሢ ዓኣያ ማዒ ዔቃንዳኔ። ዓቢ ዑሢ ዓኣያ ማዒ ጌይሢኬ። 45 ዬያሮ፡- «ቤርታሳ ዓሢ፡ ዓዳኣሜ ሹምፖና ዓኣ ዓቢ ማዒ» ጌይንቲ ፃኣፒንቴ፤ ጊንፃኣ ዓዳኣሜ፡ ኪሪሰቶሴ ጋዓንቴ ሹምፖ ዒንጋ ዓያና ማዒ። 46 ጋዓንቴ ቤርታ ሙኬሢ ዓሶ ዑያና ዓኣሢ ማዓንዳኣፓ ዓቴም ዓያናሲቱዋሴ፤ ዓያናሲ ሙኬሢ ዓሶ ዑያና ዓኣሢኮ ጊንፃፓኬ። 47 ቤርታኣ ዓሢ፡ ዓዳኣሜ ዓጪዳፓ ማዢንቲ ሃያ ዓጮ ዓቢኬ፤ ለምዓሳ ዓሢ ሙኬሢ ጫሪንጫፓኬ። 48 ሃያ ሳዖሮ ማዒ ዘንሢ ሳዓፓ ማዢንቲሢ ጉዲኬ፤ ጫሪንጮሮ ማዒ ዓሳ ጫሪንጮሲ ማላያኬ። 49 ኦኡኮ ዑፃ ሳዖ ዓሢሲ ማላሢጉዲ፡ ጫሪንጮ ዓሢሲያኣ ማላንዳኔ።

50 ታ ዒሽንሦ! ታ ሚሽንሦ! ታ ዒንሢም ኬኤዘም፤ ዓቢ ዓኣ ጎይዖ ዓኣዖ ፆኦሲ ካኣቲሞይዳ ጌላኒ ዳንዳዑዋሴ፤ ዬያጉዲ ባይቃ ዑፃ ባይቁዎ ዑፃ ዳካላዓኬ።

51 ዓካሪ ፔቴ ዓኣሺንቴ ባኣዚ ታ ዒንሢም ኬኤዘም፤ ኦኡኒ ቢያሢ ሃይቃዓኬ፤ ጋዓንቴ ቢያሢ ኦ ለኣሚንታንዳኔ፤ 52 ኦኡኒ ለኣሚንታንዳሢ ጋፒንሢ ዛያ ዋርቁንታዛ ዓኣፒ ጊኢጳማጉዲ ዔርቲባኣንቴኬ፤ ዛያ ዋርቁንታንዳኔ፤ ዬማና ሃይቁ ዓሳ ባይቁዋያ፡ ናንገና ናንጋያ ማዒ ዔቃንዳኔ፤ ኦኡኒ ጌይፉ- ሃይቁባኣዖ ዓኣ ዓሳ ለኣሚንታንዳኔ። 53 ዓይጎሮ ጌዔቴ ሃይ፡ ባይቃ ዑፃ ባይቁዎ ዑሢና ሃይቃ ዑፃ ሃይቁዎ ዑሢና ለኣሚንታንዳያ ከይሳኔ። 54 ባይቃ ዑፃ ባይቁዋኣሢ፡ ሃይ፡ ሃይቃ ዑፃ ሃይቁዋኣሢ ማኣዓ ዋዶና «ሃይቢ ባሺንቴ!» ጌይንቲሢ ኩማንዳኔ። 55 ዬያጉዲ፡-

«ሃይቢዮ! ኔ ባሻሢ ዋካዳይ?
ዓሶ ኔ ጫርጋ ዋልቃ ኔኤኮ ዓንካይዳ?»

15:45 15:45 ማዢ. ማፃ 2:7። 15:52 15:52 1ቴሲ. 4:15-17። 15:54 15:54 ዓቢ. 25:8።

ጌይንቲ ፃአፒንቴኔ። 56 ሃይቢኮ ዓሲ ጫርጎ ዋልቃ ጎሜከ፤ ጎሜኮ ዋልቃ ሃሣ ዋጌከ። 57 ጋዓንቴ ኑ ጎዳሢ ዬሱሰ ኪሪሰቶሴ ዛሎና ባሺሢ ኑም ዒንጋ ፆአዛሢም ጋላታ ሄሎንጎ።

58 ዬያሮ ታ ዒንሢ ናሽካ፣ ታ ዒሾንሦ! ታ ሚሾንሦ! ደዲ ዔቁዋቱ፤ ዓይጎ ባአዚናአ ሴካ ሃንጋ ጌዒ ዓገዲፖቱ፤ ጎዳ ማዶ ማዶኒ ዒንሢ ላቢንታሢ ጉሪ ማዒባአሢ ዔሪ፣ ቢያ ዋዴ ጎዳ ማዶ ደዲ ማዶቱ።

16

ዬሩሳላሜይዳ ዓአ ኪሪሰቶሴ ጉሙርቃ ዓሶም ኬሶና ሚኢሾ

1 ኪሪሰቶሴ ጉሙርቃ ዓሶም ኬሰንታ ሚኢሾ ዛሎኮ ጋላቲያ ዓጫ ዓአ፣ ኪሪሰቶሴ ጉሙርቃ ዓሶም ታ ዓይሢ ጎይፆ፣ ዒንሢያ ያዲ ማዶቱ። 2 ታአኒ ሙኩም ዒንሢ ሚኢሾ ኬሱዋጉዲ፤ ቃልሾ ኬሎ ጋራ ቢያ ዉዴ ዉዴ ፔቲ ፔቲሢ ሚኢሾ ዴንቃ ጎይፆ ሚኢሾፓ ፔኤኮ ዲማሲ ኬሲ ኬሲ ጌሦንጎ። 3 ታአኒ ዒንሢ ኮይላ ሙካፆ ዒንሢ ደኦራንዳ ዓሳ፣ ሚኢሾ ዬሩሳላሜ ዔኪ ዓአዳንዳጉዲ ዋርቃታ ፃአፒ ዔያቶና ዳካንዳኔ። 4 ታ ዓአዳንዳያ ኮይሳያ ማዔቲ ታአና ዋላ ዔያታ ዓአዳንዳኔ።

ጳውሎሴ ማሌ ማሊያ

5 ማቄዶኒያ ገደና ጌዒ ዓአዳኒ ታ ማሌሢሮ ዒኢና ዓአዳፆ ዒንሢ ኮይላ ታ ሙካንዳኔ። 6 ታአኒ ዴንዳ ቤዘ ቢያኮ ጎይፆም ማዒ ማአደ ዒንሢ ታአም ማዳንዳጉዲ ጎፆንቴ ታ ዒንሢ ኮራ ዴዒ፣ ባርጎዋ ታ ዒኢካ ዓአሣንዳያ ናንዳኔ፤ 7 ሃሢ ዴንደ ዴንዳፆ ታ ዒንሢ ዳካና ዛጋኒቱዋንቴ ጎዳ ጌዔቲ ዳካ ፆደሲ ዋዴ ታ ዒንሢና ዴዓንዳኔ ጌዒ ሃገ ማዓንዳ ዋዛ ታ ጌሢ። 8 ጋዓንቴ ጳንጻቆሰጻ ጌይንታ ቦንቾ ኬሎ ሄላንዳአና ዔፕሶኔይዳ ታ ዴዓንዳኔ። 9 ዓይጎሮ ጌዔቲ ሚርጌ ማዶኮ ካራ ታአም ቡሊንቴኔ፤ ታና ዒጺ ማካ ዓሳ ጋዓንቴ ሚርጌከ።

10 ጺዋቱዋሴ ዒንሢ ኮይላ ሙኬቲ ሂርጋ ባአያ ዒንሢ ኮይላ ዒ ዴዓንዳጉዲ ዒዛ ማአደቱ፤ ዓይጎሮ ጌዔቲ ዒዚ ታጉዲ ጎዳ ዬሱሴ ዓይሢ ማዶ ማዶያታሢሮከ። 11 ዬያሮ ፆኦኒያ ዒዛ ቦሁዋጉዲ፤ ዒዚ ዒሾንሢና ዋላ ታ ኮራ ማዒ ሙካንዳኔ ጌዒ ታ

15:55 15:55 ሆሴ. 13:14። 16:1 16:1 ሮሜ 15:25-26። 16:5 16:5 ዳኪ. ማዶ 19:21። 16:8 16:8 ለዊ. ዓኬ 23:15-21፤ ላሚ. ዋም 16:9-11። 16:9 16:9 ዳኪ. ማዶ 19:8-10። 16:10 16:10 1ቆሮ. 4:17።

ካፓያታሠረ፡ ታ ኮይላ ዒ ኮሺና ሙካንዳጉዲ ጎይዎኮ ዒዛም ኮይላ ባኣዚ ማኣዲሢና ምዛሲ ዳኩዋቱ።

12 ኑ ዒሻሢ ዒጲሎሴ፡ ሜሌ ዒሾንሢና ምላ ዒንሢ ኮይላ ዓኣዲንዳጉዲ ሚርጌና ታ ሺኢቄንቴ ዒዚ ሃሢ ዒንሢ ኮይላ ሙካኒ ዳንዳዒባኣሴ፤ ዒዛም ጌኢጌ ምዴና ጋዓንቴ ዒንሢ ኮይላ ዒ ሙካንዳኔ።

ጋፒንሢ ዘሮና ሳራሥሢና

13 ጳጤዋቱ፤ ጉቤ ዒናፓ ኪሪሰቶሴ ጉሙርቁዋቱ፤ ዶዶዋቱ፤ 14 ዒንሢ ማዳ ባኮ ቢያ ናሹሞና ማዲዋቱ።

15 ታ ዒሾንሢ! ታ ሚሾንሢ! ዒሰዲፓናሴ ማኣሮ ዓሳ ዓካይያይዳ ቤርታሲ ኪሪሰቶሴ ጉሙርቁ ዓሲ ማዔሢና ያኦሲ ዓሶ ማኣዳኒ ዒናፓ ናሽካያ ማዔሢ ዒንሢ ዔራኔ። 16 ዬያቶጉዴ ዓሶና ዔያቶና ምላ ማዲ ማዲ ላባዘንሢም ቢያ ዒንሢ ዓይሢንታንዳጉዲ ታ ኬኤዛኔ።

17 ዒሰዲፓናሴንታ ፔርደናዎሴንታ ዓካይቆሴንታ ታ ኮራ ሙኬሢረ ታ ኮሺ ምዛዴኔ፤ ዓይጎሮ ጌዔቴ ዒንሢ ታ ኮይላ ባኣያ ማዒያና ታኣም ፓጤፍ ባኮ ዔያታ ኩንሢኔ። 18 ዔያታ ታናንታ ዒንሢንታኮ ዒኖ ሃውሺሴኔ። ዬያሮ ዬናጉዴ ዓሳ ጋዓ ባኮ ምይዙዋቱ።

19 ዒሲያ ዓጮይዳ ዓኣ፡ ኪሪሰቶሴ ጉሙርቁ ዓሳ ዒንሢ «ኮሺዳ?» ጋዓኔ፤ ሃሢ ዓቁላና ጲሪሰቁላና ዬያጉዲ ዔያቶ ማኣራ ቡኪንታ፡ ኪሪሰቶሴ ጉሙርቁ ዓሳ ቢያ ጎዳ ዬሱሴ ሱንዎና ሚርጌና ዒንሢ «ኮሺዳ?» ጌዔኔ። 20 ሃይካ ዓኣ፡ ኪሪሰቶሴ ጉሙርቁ ዓሳኣ ቢያ ዒንሢ «ኮሺዳ?» ጋዓኔ፤ ምሊኮ ጌርሲንሢጉዲ፡ ናሹሞና ሄርቁ ሄርቁ ምሊ ዔኤሉዋቱ።

21 ታኣኒ፡ ጳውሎሴ ሃያ ሳራሢያ ኪኢቶ ዒንሢም ታ ኩቻ ያኣፔያኬ።

22 ጎዳ ናሽኩዋ ዓሲ ዓኣቶ ጋዳንቁንቴያ ማዎንጎ፤ ኑ ጎዳሢዮ፡ ሙኬ!*

23 ጎዳ ዬሱሴኮ ኮሹማ ዒንሢና ምላ ማዎንጎ።

24 ዬሱሴ ኪሪሰቶሴ ሱንዎና ዒንሢ ቢያሢ ታ ናሽካኔ።

16:15 16:15 1ቆሮ. 1:16። **16:19** 16:19 ዳኪ. ማዳ 18:2። * **16:22** 16:22 ጎዳሢዮ ሙኬ!- ጋዓዛ ዓራማይኬ ሙኤቶና «ማኣራናታ!» ጌይንታኔ።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929